

續弘簡錄元史類編

續弘簡錄元史類編卷十八

皇清詹事府少詹事仁和邵遠平戒山學

功臣二 歸降

耶律畱哥子薛開 曷思麥里 郭寶玉子德海 石天應從子

嚴實子忠 劉黑馬子元振 劉整 汪世顯子德臣 楊大淵子

文安李忽蘭吉 管如德補遺 呂文煥從子師夔 夏貴附陳奕

耶律畱哥契丹人仕金爲北邊千戶太祖起朔方金人疑遼遺民有他志下令遼民一戶以二女真戶夾居防之畱哥不自安

歲壬申遁至隆安韓州糾壯士掠其地州發卒追捕畱哥擊走

之因與耶的合勢募兵數月衆至十餘萬推畱哥爲都元師耶

的副之營帳百里威震遼東太祖命按陳那顏行軍至遇之問

所從來曰我契丹軍也欲往附大國道阻馬疲故逗遛於此按

陳曰我奉命討女真適與爾會庸非天意然爾効順何以爲信  
畱哥乃率所部會于金山刑牲折箭以盟按陳還具以實奏金  
遣胡沙帥軍號百萬來攻聲言有得畱哥骨者受上賞仍世襲  
千戶畱哥亟馳表聞帝命按陳引千騎往會與金兵對陳于廸  
吉腦兒大破胡沙軍以所獲輜重來獻帝召按陳還而以可特  
哥畱屯其地衆推畱哥爲遼王立妻姚里氏爲妃以其屬耶厮  
伯爲郡王耶的爲丞相統古與爲元帥改元元統時太祖八年  
癸酉春也甲戌金遣使誘使降不從金主怒復遣宣慰萬奴領  
軍四十餘萬攻之戰于歸仁北河上金兵潰萬奴收散卒奔東  
京於是畱哥盡有遼東州郡遂都咸平號中京乙亥破東京可  
特哥娶萬奴之妻李偃娥畱哥心不直微有隙旣而耶厮伯等  
勸畱哥稱帝辭曰往者吾與按陳盟願附大國餽食其言而自

爲東帝是遼天也遼天必有大咎衆請益力不獲已稱疾不出  
潛與其子薛閑奉金幣九十車入覲帝曰先納款者先引見太  
傅阿海奏曰劉伯林納款最先帝曰伯林雖先然迫於重圍而  
來未若留哥仗義效順也旣見出所獻金幣帝大悅先白之於  
天七日而後納諸庫命仍遼王爵問戶籍幾何對曰六十餘萬  
帝曰可發三千人爲質朕遣蒙古三百人往調汝遣人偕往留  
哥遣大夫乞奴與俱且命詰可特哥曰爾妻萬奴之妻悖法尤  
甚其拘繫以來可特哥懼與耶厮伯等詭言留哥已死遂以其  
衆叛殺所遣蒙古三百人惟三人逃歸告變帝謂留哥曰爾無  
以失衆爲憂朕倍此數封汝無吝也丙子乞奴金山統古與等  
推耶厮伯僭帝號于澄州國號遼改元天威以留哥兄獨刺爲  
平章置百官方閏月耶厮伯爲其下所殺衆推乞奴監國留哥

引蒙古軍忽至得兄獨刺并妻姚里氏戶二千渡遼河招撫懿州廣寧徙居臨潢府乞奴走高麗金山殺之自稱國王改元天德統古與復殺金山而自立喊舍又殺之亦自立戊寅畱哥引蒙古契丹軍及東夏高麗兵圍克之喊舍自經死自乙亥歲畱哥北覲遼東反覆耶厮伯僭號七十餘日金山二年統古與喊舍亦二年至己卯春復定庚辰畱哥卒妻姚里氏入奏會帝征西域皇太弟承制以氏權領其衆者七年丙戌帝還氏攜其次子善哥季子永安及從子塔塔兒孫收國奴兒帝于河西阿里湫城帝曰健鷹飛不到之地爾婦人能來邪慰勞甚至氏奏曰畱哥旣沒官民乏主長子薛闌扈從有年願使歸襲爵帝曰薛闌從朕征西域時回鶻困太子于合迷城引千軍救出之身中槩又于蒲華尋思干城與回鶻格戰傷流矢以是積功賜名拔

都魯不可遣當令善哥襲父爵氏拜且泣曰薛闊者前妻所出  
嫡子也宜立善哥者嫡子所出若立之是私已而蔑天倫竊以  
爲不可帝嘆其賢許以薛闊襲而留善哥塔塔兒收國奴于朝  
惟遣永安從氏東歸帝召薛闊謂曰昔女真猖獗爾父起兵自  
遼東會朕師又能割愛以爾事朕其情貞慈可尙朕以兄弟視  
爾父則爾猶吾子爾父亡矣爾其與吾弟孛魯古台並轄軍馬  
爲第三千戶薛闊受命已丑從太宗南征庚寅與撒兒台東征  
皆有功命移鎮廣寧府自是連征高麗東夏萬奴國復戶六千  
有奇戊戌卒善哥賜名愛古解從親王口溫不花破天城堡鳳  
翔府以功襲名拔都魯後引兵渡河會大軍平金及伐宋拔光  
州棗陽軍亦多著戰功云

開曰不階人主幾復舊邦乃違衆望擇主歸降覬覦竊據

迭相覆亡姚里立嫡大義是將形管所紀有何頡頏

曷思麥里西域谷則斡兒朶人初爲西遼濶兒可汗近侍太祖  
西征率可散等城部長迎降大將哲伯以聞帝命爲先鋒攻乃  
蠻克之斬其主曲出律令持首征徇其地諸城望風皆下又從  
征你沙不見城諭降之帝親征至薛迷思干與其主札刺丁戰  
于月亦心揭赤之地敗之追襲至阿刺黑城戰于禿馬溫山又  
敗之追至愁顏城西寨又敗之札刺丁逃入海曷思麥里收其  
珍寶而還取玉兒谷德痕兩城旣而愁顏城亦下帝遣使趣哲  
伯疾馳討欽察命曷思麥里招諭曲兒忒失兒灣沙等城悉來  
附至谷兒只部及阿速部以兵拒敵皆戰敗始降又招下黑林  
城進克斡羅思於鐵兒山獲其國主密只思臘獻諸術赤太子  
誅之尋征康里至孛子八里城與其主霍脫思可汗戰敗其軍

進至欽察亦平之軍還哲伯卒會帝親征河西曷思麥里特所獲珍寶及七寶繳迎見于阿刺思不刺思之地帝顧羣臣曰哲伯常稱曷思麥里之功其形貌雖小而聲名實大就以所進金寶命隨其力所勝悉賜之俾常居左右至也吉里海牙又討平失的兒威從太祖征汴至懷孟令領奧魯事帝由白坡渡黃河會皇子拖雷兵攻金將完顏合達敗之回駐金蓮川授懷孟二州達魯花赤帝以其從軍西域宣力居多特命歸西域大帥察罕行省帖木迭兒奏畱之帝允其請進懷孟河南二十八處到達魯花赤卒于官

郭寶玉字玉臣華州鄭縣人唐中書令子儀之裔也通天文兵法金末封汾陽郡公引軍屯定州歲庚午童謠曰搖搖畧畧至河南拜闕氏旣而太白經天寶玉嘆曰北軍南汴梁卽降天敗



姓矣金築烏沙堡屯兵三十萬會木華黎軍至敗之寶玉舉衆降木華黎引見太祖問取中原計對曰中原勢大不可忽也西南諸番勇悍可用宜先取之藉以圖金必得志焉帝從其言又條新令五章凡出軍不得妄殺雜處罪囚量情笞決軍戶蒙古色目人每丁起一軍漢人田四頃人三丁者僉一軍年十五以上成丁六十歲老站戶與軍戶同民匠限地一頃禁止僧道剃度皆見頒行帝將西伐患番城多依山險難攻寶玉曰使其城在天上則不可取否則何難之有帝益壯其言授抄馬都鎮撫從帝討契丹遺族歷古徐鬼國訛蓼朶等城破其兵三十餘萬胸中流矢帝命剖牛腹置其中少頃乃獲尋復戰收別失八里別失蘭等城次忽章河西人列兩陣迎拒戰方酣寶玉望其衆疾呼曰西陣潰矣其兵果走追殺幾盡進兵下尋思干城次暗

木河敵築十餘壘陳船河中俄風濤暴起寶玉令發火箭射其  
船乘勝破護岸兵遂平諸壘收馬里四城旣而可弗又國唯算  
端罕破乃滿國引兵據尋思干聞帝將至棄城南走入鐵門關  
屯大雪山寶玉追之遂奔印度帝駐太雪山前時谷中雪深二  
丈寶玉請封山川神乃封崑崙山爲玄極王大鹽池爲惠濟王  
復從哲伯速不台二大將收契丹渤海諸國有功累遷斷事官  
卒于賀蘭山 子德海字大洋資貌奇偉知父北降遁入太行  
山大軍至始出授爲抄馬彈壓從先鋒哲伯西征渡乞則里八  
海攻鐵山踰雪嶺西北萬里進軍平答里國還至崢山吐番帥  
尼倫回紇帥阿必丁反復破斬之從大軍入關中破南山八十  
三寨由漢中轉戰至鈞州與大軍會于三峯山以功遷右監軍  
已破金師于黃龍岡取申唐二州後討河南叛兵破傷足與疾

歸卒初太宗詔天下置學廩育人材立科目選之入仕皆從德  
海請也孫侃字仲和德海之子弱冠爲百戶驚勇有謀畧從

攻汴以功擢千戶歲壬子送兵仗至和林命從宗王旭烈兀西

征初至木乃今國其國塹道置毒水中侃破其兵五萬下一百

二十八城斬其主兀朱算灘

寰宇記作速  
檀譯言王也

進至乞都卜其城在

稽寒山上懸梯上下築城固之莫能克侃令架大礮擊其城守

將卜者納失兒開門降宗王復遣侃往說兀魯兀乃算灘來降

其父阿力走據東城侃攻殺之西行至兀里兒城伏兵城下令

曰聞鉦聲則起敵果至伏發盡殲之海牙算灘降又西至阿刺

汀破其游兵三萬禡移答兒算灘降至乞石迷部忽里算灘降

西戎大國也地方八千里傳位四十二世勝兵數十萬侃至破

其兵七萬屠西城又破其東城城中殿宇皆搆以沉檀木舉火

焚之香聞百里得七十二絃琵琶五尺珊瑚燈檠兩城間有大  
河侃預造浮梁以防其逸城破合里法算灘登舟欲遁有浮梁  
扼之乃自縛詣軍前降拔三百餘城又西行三千里至大房其  
將住石致書請降左右信之不設備侃曰欺敵者亡軍機多詐  
若中彼計恥莫大焉乃嚴備以待住石果來邀戰大破之巴兒  
算灘降下其城一百八十五又西行四十里至密昔兒會日暮  
已休侃復驅兵起留數病卒守營砦而大軍西行十餘里乃頓  
舍下令營中銜枚轉箭更漏寂然是夜敵果潛兵來襲殺數病  
卒可乃算灘大驚曰東天將軍神人也遂降又西渡海收富浪  
侃喻以禍福兀都算灘卽出降師還西南至石羅子敵嚴陣以  
待侃單騎直前掠陣一鼓敗之換斯干阿答畢算灘降至賓鐵  
侃以奇兵奄擊大敗之加葉算灘降至兀林擊敗其游兵四萬

阿別丁算灘懼乞降得城一百二十四又南至乞里灣忽都馬  
丁算灘降西域平侃經營西域前後凡七年誅名王一降其國  
十餘得城以千計捷至釣魚山會憲宗崩乃還世祖卽位侃上  
疏陳平宋之策大畧謂宋據東南以吳越爲家其要地則荆襄  
而已今日之計當先取襄陽旣克襄陽彼揚廬諸城彈丸地耳  
置之弗顧直趨臨安疾雷不及掩耳江淮巴蜀不攻自下後皆  
如其策又言宋人羈留信使宜興師問罪淮北可立屯田三百  
六十所每屯置牛三百六十具計一屯所出足供軍旅一日之  
用帝是其言擢萬戶江南平遷知寧海州居一年卒侃行軍有  
紀律野爨露宿雖風雨不入民舍所至興學課農吏民畏服

問曰西域萬里張騫鑿空定遠仗節威輝雪葱郭侃何人  
乃繼厥踪地遐名詭累譯難通山經未詳王會莫窮

石天應字瑞之興中承德人性豪俠鄉里多歸附木華黎南下  
天應率衆迎謁軍門授興中府尹兵馬都提控俾從南征造戰  
攻具臨機應變捷出如神旌旗色用黑人目之曰黑軍前後二  
百餘戰皆身先士卒累功遷右副元帥從木華黎征陝右假道  
西夏自東勝州濟河南拔葭州因進說曰西戎雖降實未可信  
此州當金夏之衝居人健勇倉庫豐實加以長河爲限脫爲敵  
所傾緩急非便宜命將固守造舟楫以備不虞木華黎然其言  
表授天應爲行臺兵馬都元帥畱守葭蘆造舟建浮橋諸將多  
言水波惡恐勞費無益天應下令謂有阻我事者斷其舌橋成  
諸將乃服于是分兵四出悉定葭緩地一日謁木華黎于汾水  
上進取之策比還鎮名將佐謂曰吾累汝等畱屯於此今聞河  
東西皆平川廣野可駐軍規取關陝諸君以爲何如或諫曰河

中雖用武地南有潼關西有京兆皆金軍所屯且民新附其心未一守之恐貽後悔天應曰葭州正通鄜延今鄜已平延不孤立若檄令夏人取之猶掌中物耳且國家之急本在河南此州路險地僻轉餉甚艱河中雖迫於二鎮實用武立功地北接汾晉西連同華地方五千里戶數十萬若起漕運以通餽餉則關內既定長河以南在吾目中矣吾年垂六十毫髮一且臥病床第聞後生輩立功名歟且不暇遂移軍河中據河南北路陝右關西行臺都元帥事旣而金軍果潛入中條山襲河中天應知之先遣驍將吳澤伏兵要路戒曰俟賊過半急擊我出其前爾攻其後可克也澤勇而嗜酒是夕方醉臥林中金兵由間道直抵城下時守具未完新附者爭縋去敵乘隙入天應見火舉知賊已至奮身角戰從者僅四十餘騎嘆曰

吳澤誤我或勸西渡河天應曰先時人諫我南遷吾違衆而來

此事急棄去不武縱太師不我罪何面目見同列乎飲血力戰

至日午灰之

綱目云金元帥都監侯小叔襲河中破之殺天應焚浮橋而退而張匡衍撰木華黎行錄則云天應

聞中條山賊侯七侯入欲夜襲其城即遣部將吳權甫領兵出

潛道左權甫醉失期故城陷天應遇害名臣事畧云羣盜陷

河中府殺天應未幾燒居民府舍道以天應子幹可代領其衆

及攷按北兒傳亦云天應守河中爲賊侯七所襲城陷而灰與

本傳初天應灰事時弟天禹有子佐中在軍中伺敵少懈倒抽

其斧反斫之突城而出趨木華黎行營乞得蒙古軍數千還與

敵戰敗之木華黎嘉其勇奏授興中府千戶子安琬襲職從征

大理討李壇皆有功江西分寧叛安琬往討之賊背山而陣安

琬引兵出陣後賊驚潰揮兵直抵壘門賊呼曰願成陣而戰灰

不憾安琬稍引却賊果出陣遠單騎突入大聲曰吾止誅賊首

庸卒非吾敵也手刃中賊背生擒之累授大同等處萬戶領江

續弘簡錄

卷十八

本

功臣二



左新附卒萬人屯田紅城有李萬戶者常戍和寧親老且病安  
訖請代其行及還以病卒時成宗大德三年也

嚴實字武叔秦安長清人畧知言志氣豪放喜結交施與落魄  
里社間屢以事繫獄俠少輩爲肯歟力得亡去癸酉秋太祖率  
兵自紫金口入分畧山東河北歸金東平行臺籍民爲兵授實  
百戶使權長清市或譖實陰與宋結實懼挈家壁于青崖峒以  
魏博閼相等郡歸宋宋授實爲濟南治中太行之東並聽節制  
實知宋不足恃庚辰七月復挈所部彰德大名磁洛恩博滑濟  
等三府六州戶三十萬來歸木華黎承制以實行尙書省事綱目  
云實將李信乘實出殺其家屬攻下曹濮單三州進取東平金  
降宋實攻信殺之復取青崖峒將和立剛遁實入據其城宋將彭義斌帥師克山東兵勢大振  
遂圍東平城中食且盡實乃陽與連和義斌亦欲藉實取河朔

而後圖之請以兄事實義斌下真定與蒙古將孛里海軍相望  
實卽馳赴與之合史天澤復以銳卒畧其後義斌被擒不屈死  
之不浹旬京東州縣復爲實有卽權山東西路行省事庚寅朝  
太宗于牛心之幄殿賜坐宴享終日數顧謂侍臣曰嚴實眞福  
人也甲午朝和林授東平路行軍萬戶詔母事征伐名臣事畧云時實以  
百城長東諸侯者十五年上雅知初木華黎之弟帶孫攻下彰  
實不便鞍馬憫其勞故優卹如此德怒反覆欲屠其城實曰此國家舊民吾兵力不能及爲所脅  
從果何罪邪及破濮州實言百姓未嘗拒敵與其多戮無辜不  
若留之以供芻秣由是得免者數萬人兵由武關出襄鄧河南  
被俘者多實載金緡往贖且約束諸將毋殺掠又多作糜粥以  
食流民全活頗衆儒士遭兵亂多失業無依實辟其賢者置之  
幕府修學校招生徒一時名士多以實爲歸實爲合散亡業單

貧舉喪葬助婚嫁人尤德之部曲有逃回益都者益都被獲歸

皆自分必殺實置不問王義深者義斌別將也實族屬在東平

向爲所害河南破實獲義深妻子厚周卹之送還鄉里終不以

舊怨爲嫌太宗十二年卒遠近悲悼野哭巷祭者旬月不已元

問神道碑云實病風痺久有勸迎良醫皆笑曰人豈不疾得無疾痛以歿足矣中統二年追封魯國公

諡武惠子忠濟襲萬戶初統千戶十有七會括新軍山東益

戶二萬餘弟忠嗣忠範皆爲東平路管軍萬戶而仍統於忠濟

大臣有言其威名太盛者中統初召還命忠範往代至元九年

忠範僉省成都戰失利逮至京師以赦免後持國書使宋行至

獨松關爲宋所殺方忠濟治東平日舉息錢代民納逋賦歲久

積多至四十三萬七千餘錠及去債家爭持券責償帝聞之命

發內帑以代又借用課程錢本銀萬五千兩並詔勿徵東平廟

學故庫陋收卜爽塏地于城東教養諸生後多顯貴者至元間  
授江浙左丞以老乞歸名其子瑜入侍卒諡莊孝忠嗣少從  
張澄李楨學畧知前史大義初授東平人匠總管尋收管軍萬  
戶從忠濟畧地揚州又從南征與忠濟渡淮分兵出桂車嶺達  
蘄州及渡江抵鄂分部攻城九十餘日戰甚力中統三年宋兵  
攻蘄州徐州總管李果哥降于宋忠嗣從大帥按脫攻蘄縣復  
徐州執果哥殺之未幾朝廷懲青齊之亂居大藩者子弟不得  
典兵遂罷官家居十年卒

劉黑馬濟南人父伯林金末爲威寧防城千戶太祖圍威寧伯  
林繼賊降累從大軍攻伐凡部曲所俘獲悉縱去在威寧十餘  
年務農積穀與民休息嘗曰吾聞活千人者後必封吾之所活  
何啻萬餘人子孫必有興者黑馬名崑字孟方始生時家有白

馬產黑駒故以爲小字後遂以小字行年弱冠隨父征伐大小數百戰畧無懼色已襲父職爲萬戶兼都元帥從征西夏唐兀及東平大名皆有功太宗卽位始立三萬戶以黑馬爲首從征回鶻河西諸國皇弟拖雷入自大散關假道于宋以伐金命黑馬先由興元金房東下至三峯山遇金將完顏合達與戰敗之合達攻破香山寨及鈞州會增立七萬戶仍以黑馬爲首張柔之天澤嚴實等次之黑達事畧云漢地萬戶四人如嚴實在鄆州則有山東之兵史天澤在其定則有河東之兵張柔在蒲城則有燕南之兵劉黑馬在天州滅金及征西川累功授都總管萬戶統西京河東陝西諸軍尋命巡撫天下察其刑罰從憲宗至六盤山商州與宋接境數被侵掠命黑馬鎮之宋人畏其不敢犯請立成都以圖全蜀帝從之始立成都路監軍使兼知府事統軍民大小諸務世祖中統初

廉希憲宣撫川陝時密里火者握重兵居成都希憲慮其與渾  
都海結黨爲變以黑馬有膽智使乘驛矯詔竟誅之其子訴于  
朝帝曰此朕命也勿復言宋主帥俞興率兵圍瀘州時黑馬已  
屬疾徐親督轉輸不輟左右諫其少休慨然曰國事方急以此  
死無憾卒封秦國公諡忠宣子元振字仲舉隨父入蜀立成  
都攝萬戶時年方二十旣蒞事號令嚴明麾下宿將皆敬憚之  
世祖卽位命爲成都經畧使宋瀘州守將劉整密送款黑馬遣  
元振往受其降諸將皆言整無故而降情僞不可信元振曰宋  
權臣當國賞罰無章有功者往往以計除之是以將士離心且  
整本非南人而居瀘南重地事勢與李全何異此舉無可疑者  
遂行比至瀘整開門出迎元振棄衆先下馬與整相見明日請  
入城元振釋戎服從數騎與之聯轡入飲燕至醉整心服獻金

六千兩男女五百人元振以金分賜將士而歸還其男女宋蜀  
帥俞興圍瀘州以討整晝夜急攻五閱月城幾陷左右曰整本  
非吾人與俱死無益元振曰人以誠歸我既受其降豈可以急  
而棄之且瀘之得失關國家利害吾有死而已食將盡殺所乘  
馬犒將士募善泅者賞蠟書至成都求援又權造金銀牌分賞  
有功旣而援兵至元振與整出城合擊大敗與兵捷聞且自陳  
擅造金銀牌罪帝嘉其功授成都軍民經畧使時議罷勳舊子  
弟之典兵者遂降爲成都副萬戶後兼潼川路副招討使元  
禮黑馬第五子也嘗從父在軍中授京兆路與魯萬戶遷潼川  
路漢軍都元帥宋制置夏貴率軍五萬向潼川元禮所領纔數  
千諸將登城望貴軍有懼色元禮曰料敵制勝在智不在力大  
戰遂溪終日勝負未決激厲將士曰此去城百里爲敵所乘則

城不可得入潼川非國家有矣大丈夫當以死戰取功名時不可失也卽持長刀大呼突入陣所向披靡將士無不一當百大敗貴兵名入朝賜錦衣名馬命復還潼川立逢溪寨元禮奏嘉定去成都三百六十里其間舊有眉州城可修復之屯兵以扼嘉定往來之路世祖從之興役七日而畢宋人駭其速遂守眉州尋乞解官養母仕至延安路總管

劉整字武仲先世京兆樊川人徙邳州穰城沉毅有智謀熟知山川險要避金亂入宋隸荆湖制置使孟珙麾下珙攻金信陽整爲前鋒夜從驍勇十二人渡壘登城襲擒其守還報珙大驚曰唐李存孝率十八騎拔洛陽今整所將更寡乃書其旌曰賽存孝累遷潼川十五年州安撫副使整以北人鎮西邊有功南方諸將皆出其下呂文德忌之會俞興與整有隙使之帥蜀以



糾正自  
圖整典以軍事名整不行遂摺撫其罪宋史新編云會賈似道託會計邊費以陷諸將

帥整遣馬整遣使訴臨安不得達益懼不自保乃謀納款中統典所按

二年夏籍瀘州十五郡戶三十萬入附綱鑑大全云整命參謀官許彪孫草表不從合

門印世祖嘉其來授夔府行省兼安撫使俞興攻瀘州整出寶

器分士卒激使戰戰數十合興敗去復遣使請益屯兵厚儲積

爲圖宋計明年入朝授行省于成都潼川兩路仍兼都元帥同

列族其功謀陷之整懼請分帥潼川宣課茶鹽以餉軍至元四

年入朝奏言宋主弱臣悖立國一隅今天啓運一之機臣願効

犬馬勞先攻襄陽徹其扞蔽延議多難之整曰自古帝王非四

海一家不得爲正統聖朝有天下十七八何置一隅不問而自

棄正統邪且襄陽吾故物也棄而弗戍使宋得竊築爲強藩若

復襄陽浮漢入江則宋可平也世祖曰朕意決矣命陝西五路

幾卒中統三年追封隴西郡公諡武義英宗卽位加封隴右王  
楊煥神道碑云金貞祐二年世顯增戰功起家爲千夫長正大  
四年領隴州防禦使六年升華昌府治中轉同知兼參議帥府  
機務九年拜便宜總帥明年金亡郡縣風靡世顯獨堅守者三  
年謂其衆曰宗祀已矣吾何愛一歿念千萬人之命懸于吾手  
平居享高爵厚祿其分也餘者奚罪乃率僚佐迎謁蓋乙未  
冬十月四日也虞集勳德錄云華昌汪氏統郡縣數十勝兵  
數萬號便宜都總帥柵石門爲金守者三世及我兵攻華昌則  
金亡已三歲矣汪氏猶爲金發喪登陣哭三日因王子淵端以  
自歸太宗察其誠仍命鎮故地世顯有子七人孫十九人多居  
將桓官封公者九人傳五世兄弟子孫百八十餘人總軍華昌  
者旣世其職次子德臣賜名田哥字舜輔年十四侍太子游  
餘多大官獵矢無虛發及襲父爵爲總帥從入蜀將前軍出忠涪所向克  
捷進攻運山馬中飛石灰步戰拔其外郭宋制置余玠攻漢中  
德臣馳赴之玠尋解去憲宗召入覲命城沔州沔據嘉陵要衝  
德臣繕治室廬部署官屬數日而集又命城利州益昌進薄嘉  
定四川大震續資治通鑑長編云憲宗四年余玠卒宋以余玠鎮蜀賄造  
統制甘肅城寨金山紫金山者蜀之要地也德臣

遷精卒。卿枚夜進大破世祖以皇弟有事西南德臣入見乞免之。謂走德臣達探其城。世祖以皇弟有事西南德臣入見乞免益昌徭賦及漕糧屯田爲永久計並從之。卽命置行部于鞏立漕司于汧通販鬻給餽餉奏以兄忠臣攝府事使已得專事益昌會旱嘉陵漕舟水溢議者欲棄去德臣曰國家以蜀地界我奈何棄之盡殺所乘馬糞士襲嘉川得糧二千餘石轉掠雲頂得糧五千石旣而魚關金牛水陸運偕至屯田麥亦登食用遂給諭降苦竹砦守將南清山寨相繼輸款自魚關至汧水迂回爲渡百有八至是悉建橋梁帝親征幸益昌駐北山謂口來者言汝立利州之功今見汝身小而膽畧甚大敵曾薄汝城否對曰賴陛下威德未嘗一來帝曰彼憚卿威名耳嘉陵白水交會勢洶急帝問船幾何可濟對曰大軍百萬輩敢淹延卽繫舟爲梁一夕而成軍過如履平地南清旣北覲其下殺清妻子據告

竹以叛至是攻之巖壁峭絕或請建天橋帝以問德臣對曰臣知先登陷陣而已建橋非所知乃率將士魚貫進帝望見歎曰人言田哥膽勇豈虛譽邪嘗有疾帝飲以葡萄酒解玉帶賜之曰飲我酒服我帶疾其有瘳乎德臣泣謝帝東下德臣爲先鋒抵大獲山奪水門宋將楊大淵率衆降奏免其死已而運山青居大梁皆降進攻釣魚山合州知州王堅負險不下德臣夜登外城遙明大呼曰王堅我來活汝語未畢幾爲飛石所中復感疾帝遣使問勞俾還益昌奏曰陛下尊爲天子猶冒寒暑服勞於外臣待罪行伍死其分也卒年三十六封爵如其父諡忠烈

良臣世顯第三子年十六七卽從兄習行陣每戰輒當前鋒以功擢裨帥領所部兵屯田白水憲宗軍至六盤良臣還鞏昌治供億民不知擾詔權便宜總帥府事良臣奏願與兄同立功

四川帝曰行軍餽餉所繫非輕汝任其責成功不小既奉命治  
橋梁平道路舟車水陸無難賙賜黃金弓矢旌其能世祖卽位  
阿藍答兒源都海逆命劫六盤府庫西陲騷動時諸王合丹等  
分道進擊良臣率秦鞏兵至耀碑谷慷慨誓衆曰今日之事繫  
國安危勝則富貴可保敗則身家俱喪縱成行間猶不失忠孝  
名衆踴躍競奮會大風揚沙晝晦良臣突陣下馬以短兵突其  
左王師直搏其前賊大潰諸王上其功授征南都元帥良臣以  
釣魚山險絕不可攻請就近築城曰武勝軍以扼其往來久之  
遷四川行樞密院事進攻嘉定宋將咎萬壽堅守不出良臣度  
有伏大搜山谷盡殲之進薄城萬壽乞降良臣奏免其死統兵  
順流下紫雲瀘叙相繼欵附後再圍重慶宋安撫張珪悉衆來  
拒良臣身中四矢督戰益急部將趙安開門降四川悉平入見

陳治蜀十五事世祖嘉納卒封梁國公諡忠惠 孫惟正字公  
理幼穎悟藏書二萬卷尤喜談兵時出游獵則勒從騎爲攻守  
狀父德臣卒于軍世祖嗣立俾襲父爵屯兵青居山初憲宗遣  
渾都海以騎兵二萬守六盤又遣乞台不花守青居至是渾都  
海叛乞台不花將起兵爲應惟正承宣撫廉希憲指遣甲士縛  
斬之中統初部長火都叛民大擾惟正謂將吏曰火都今若猶  
犬方肆狂藹苟一戢不利則城邑爲墟當勝以不戰乃發兵踵  
之賊欲戰不得休則撓之若是者兩閱月度糧盡勢蹙曰可矣  
與戰屢捷火都遣人約降陽許之而潛兵躡其後出不意擒殺  
火都至元初襲破開州宋將龐彥海投崖死宋人僞治合州于  
釣魚山詔立武勝軍拒之惟正臨嘉陵江作柵扼其水道夜懸  
燈柵間編竹爲籠中置火炬順地勢轉走照百步以防不虞宋

知有備不敢犯十四年冬皇子安西王北伐藩王土魯叛于六  
盤惟正進討次平涼簡軍兵銳者八千人與俱至六盤土魯先  
據西山惟正分安西兵爲左右翼軍兵獨居中去里許皆下馬  
手弓土魯遣騎突陣惟正令引滿毋發將及矢下如雨突騎盡  
馳還土魯軍遂走逐之三踰山至蕭河土魯就擒安西王稱其  
功明日大燕賞以金尊王妃賜其母珠絡帽衣且曰吾皇家兒  
婦爲汝母製衣汝母真福人也詔遷秦蜀行省左丞是時云  
加軍買不軍家今入覲上都還至華州卒諡貞肅  
楊大淵天水人初仕宋爲安撫使總兵守閬州憲宗旣取隆雅  
二州兵至閬州大獲山遣降人王伸入招之爲大淵所殺憲宗  
怒督諸軍力攻大淵懼以城降憲宗命誅之汪德臣力請得免  
旣逃歸憲宗益怒將屠其城德臣謂李忽蘭吉曰大淵之去事

頗難測宜急追之忽蘭吉單騎至城下大呼曰皇帝遣我來撫  
汝軍民一卒引之入卽下馬執大淵手謂曰上方宣諭賞賜不  
待而來何也大淵曰誠不知國朝禮法且久出恐城寨有變是  
以亟歸非敢有異謀卽與偕來一軍皆喜及入奏帝問楊安撫  
反乎忽蘭吉曰無也曰何以知之對曰軍馬整肅防內亂也城  
門不閉無他心也一聞臣言卽撫慰軍民從臣以出以是知其  
不反帝悅命復大淵故官以其兵從招降蓬山廣安諸郡進攻  
釣魚山拜侍郎都行省悉委以平蜀之寄兄子文仲亦授安撫  
使世祖卽位諭曰尙屬忠良之節其成康文之功大淵拜命踴  
躍進克禮義城掠其饋運徙總管黃文才等以獻先是大淵建  
言謂取吳必先取蜀取蜀必先據夔乃遣兄子文安攻宋巴渠  
收萬安寨復使相夔達要衝城蟠龍山山四面巖阻可進攻退



守賊未畢宋夔路提刑鄭子發率兵來爭大淵遣文仲往援宋  
兵解去大淵請于利州大安軍以鹽易軍糧入覲進花羅紅邊  
絹各百五十段優詔各之拜東川都元帥俾與征南主帥欽察  
同署事比還復瀕渠江濱築虎嘯城以逼宋大梁城不踰時而  
就宋賈似道遣楊琳賫空名告身及蠟書金幣誘大淵南歸文  
安擒之以聞琳伏誅至元初大淵以部將王仲得宋將咎萬壽  
私書殺之帝以未經鞫問或墮宋人間計豈宜輒施刑戮下詔  
詰責仍有郎仲家人淵謀知宋總統祁昌由間道運糧入得漢  
賊欲遷守臣向良及官屬於內地乃自率軍掩襲遇于椒坪連  
戰三日擒昌良等以歸明日宋都統張思廣引兵來追復大破  
之遣文安以向良等家人往招得漢城未下而卒追封開中郡  
公諡肅翼未幾文仲亦亡 文安字泰叔父大全仕宋守叙州

戰虎文安方二歲依叔大淵于開州年十八從大淵降授監軍  
出通川與宋將鮮恭大戰擒統制白繼源又出開達戰屢勝擒  
知軍范燮統制魏興等授開達忠萬梁山等處指討使軍巴渠  
宋萬安守將盧埴降遂築蟠龍城據夔達要路更築虎嘯城于  
渠江遷開州夔東路安撫使軍民元帥文安前後歷破宋兵擒  
其將累攻下開達洋金逃施萬請州及咸淳府所得得漢聖耳  
白帝龍爪牛頭樂勝鷄冠等數十城盡定蜀境夔州亦降入覲  
繪圖以獻帝勞曰汝攻城畧地之功何若是多也擢川南道宣  
慰使遣辯士王介諭降散毛諸洞蠻擢中書左丞行江西省事  
踰月卒于官

李忽蘭吉本名庭玉隴西人父節仕金歲乙未自鞏昌石門山  
從汪世顯舉城降忽蘭吉隸皇子淵端爲質子癸丑世祖在潛

邸用汪德臣言命爲管軍千戶都總領佐德臣立利州憲宗南  
征掌橋道餉餉事楊大淵既降復逃去忽蘭吉單騎說之出憲  
宗問曰汝不懼乎對曰臣恐上勞聖慮下苦諸軍又爲一郡生  
靈命脉所繫故不知懼帝悅賜以酒中統元年渾都海叛據六  
盤山世祖遣忽蘭吉從汪良臣進討殺渾都海等于陣以功授  
肇昌後元帥大都叛遁入西番從宗王追襲擒之首將答剌海  
言忽蘭吉功高詔賜虎符不受曰臣聞國制將萬軍者佩虎符  
若汪氏將萬軍已佩之矣臣何可復佩乃命於總帥汪惟正下  
亮肇昌路元帥所屬官悉聽節制答機叛於西番忽蘭吉以千  
騎先往執之至元元年入覲命與良臣還蜀守青枯尋賜虎符  
授夔東路招討使立章廣平山寨置屯田出兵以絕大梁平山  
兩道十年正月成都失利帝遣人問故忽蘭吉附奏曰初立成

都惟建子城軍民止於外城別無城壁宋軍乘虛夾攻掩其不  
備軍官皆年少不經事之人以此失利西川地曠人稀宜修置  
城寨以備不虞選任材智廣畜軍儲最爲急務今蒙古漢軍多  
非正身半以驅奴代宜嚴禁之所謂修築城寨練習軍馬措置  
屯田規運糧餉創造舟楫完繕軍器六者缺一不可帝是其言  
六月將兵赴成都與察不花同權省事已復還守章廣平山寨  
前後每戰輒勝升川南道宣慰使施黔辰沅之界九溪十八洞  
蠻獠叛服不常詔四川行省討之於是叅政曲里吉思左丞汪  
惟正一軍出黔中僉省巴八一軍出思播都元帥脫察一軍出  
澧州忽蘭吉一軍出夔門會合諸將鑿山開道綿亘千里諸蠻  
長悉衆來附獨散毛洞軍順走避巖谷力屈始降在蜀二十餘  
年以老乞歸鞏昌旣而行省列其功請用范曄故事商議本

省軍事食左丞祿卒論襄敏

嘗如德黃州黃陂人父景模爲宋安撫使守蘄州伯顏兵至景模舉衆降授淮西宣撫使以老不任事時如德爲江州都統制遣書招之亦以城降先是如德嘗被俘思其父與同輩七人間道南馳爲邏者所獲械送郡如德伺邏者怠卽破械走間關萬里達父所景模喜曰真吾子也至是入見世祖笑曰是能孝於父者一日授以強弓二如德以左手兼握右手悉引滿之帝曰得無傷汝臂乎後母復然嘗從獵過大溝馬不可越如德卽解衣浮渡帝壯之由是稱爲拔都魯帝問朕何以得天下宋何以亡對曰陛下以福德勝襄樊宋咽喉也咽喉被塞不亡何待帝曰嘗授湖北招討使總管本部軍馬阿木以如德爲前鋒攻揚州招降鎮江紹興諸郡初世祖以寶刀賜如德及與宋戰刀刃

盡缺宋平入覲如德以刀上呈曰陛下向所賜刀歷斫宋軍缺如是帝嘉其朴遷浙西宣慰使入奏軍事世祖問曰江南之民得無有二心乎對曰往歲旱澇相仍民不聊生或起他念今累歲豐稔民沐聖恩多矣安敢有貳志帝善其言累遷江西左丞初廣東賊鍾明亮率衆三萬來降宣慰使月的迷失請以明亮爲循州知州帝不允明亮復叛命如德統四省兵討之諸將欲直搗其巢如德曰今田野之民疲於轉輸介冑之士病於暴露重困斯民而自爲功吾不爲也遣使諭以禍福明亮復詣贛州降詣繹至大都如德留之不遣明亮再反朝廷責以玩寇如德惶懼卒于軍贈平昌郡公諡武襄

呂文煥安豐人兄文德微時鬻薪于市宋淮帥趙葵見其遺履長尺有咫異之招致麾下累功授京湖安撫制置使時劉整獻

計謂宋人所恃惟文德在鄂州然可利誘乃遣以玉帶求置榷  
場于樊城文德許之既而言安豐等場貨每爲盜所掠願築土  
牆以護居積遂築壘置堡江心起萬人臺立撒星橋以遏宋南  
北之援時出兵哨掠襄樊城外兵威益熾文德始悟爲整所賣  
疽發背歿文煥仕宋知襄陽府兼京西安撫副使時阿木攻襄  
陽文煥拒守久之至元六年命史天澤益兵圍襄陽文煥遣使  
醜以鹽茗十年正月阿里海牙等拔樊城世祖降詔論文煥曰  
爾等拒守孤城於今五年宜力爾主固其宜也然勢窮援絕其  
如敵萬生靈何若能納款悉赦勿治且加遷擢旣而阿里海牙  
身至城下謂曰君以孤軍城守者數年今飛鳥路絕主上深嘉  
汝忠若降則尊官厚祿可得必不汝負文煥疑未決又折箭與  
之誓文煥感泣遂納筦鑰與其子俱來降詔入朝授侍衛親軍

都指揮使卽爲帝晝攻鄂策且請身爲前鋒世祖以文煥爲襄  
漢大都督十一年二月授叅知政事行省荆湖命文煥率其麾  
下臨城以善遇降將意招諭未下州郡十月文煥引兵攻破沙  
洋城執守將王大川總管王虎臣殺之進逼新城招都統邊居  
誼不從伏弩中其右臂馬仆幾被獲衆挾以出文煥怒麾兵拔  
其城居誼赴火歿由是江陵諸州皆下文煥謂權守張晏然等  
曰汝國所恃者江淮耳今大軍飛渡如履平地不降何待于是  
晏然與都統程鵬飛皆以州軍降時沿江諸將皆呂氏舊部曲  
爭望風歛附十二年正月引兵至江州從弟文福方爲湖南五  
郡鎮撫宋主促其將兵以衛文福至饒州殺使者入江州迎降  
宋謝后遣使諭文煥請息兵修好不聽十月伯顏分兵東下以  
文煥爲嚮導趨常州宋遣兵部侍郎呂師孟來軍中議和師孟



文德子也除請文煥贊成和議亦不省十二月平江府官屬迎  
降于常州文煥先往受其降十三年伯顏兵至阜亭山宋主奉  
稱臣表伯顏遣文煥入長安閱視城壘且賁黃榜安諭中外軍  
民并入懋謝行文煥因使人上表謝而出有曰茲銜北命來抗  
南師視以大馬報以仇讎非曰子弟攻其父母不得已也尙何  
言哉伯顏拘文天祥于軍中天祥讓伯顏失信文煥從旁解喻  
天祥并斥其合族爲逆文煥大慙悲十四年以文煥爲中書左  
丞仍宣慰江東十五年三月詔文煥遣官招宋生熟券軍堪爲  
軍者月給衣糧不堪者屯種近地江東道按察使阿八赤從文  
煥求金銀及宅舍子女不與遂奏文煥私匿兵仗帝命行臺大  
夫相威詰之阿八赤以不直免官二十三年正月文煥以江淮  
行省右丞請老許之仍任其子爲宣慰使從子師夔文德子

也至元十二年在宋提舉江州興國軍宋沿江制置使陳奕既降以兵攻蘄州師夔乃與知江州錢真孫遣人如蘄請降伯顏入江州師夔設宴庾公樓選宗室女二盛飾以進伯顏怒曰吾奉天子命帥仁義師問罪於宋豈以女色移吾志乎斥遣之都元帥宋都斛攻撫州命師夔以金符遣守將密佑誘之降佑不受竟遇害師夔與謝枋得雅友善至是以兵徇江西下安仁時枋得守信州攻之枋得走建陽師夔鏖勝捕之執其妻子下之獄及宋主是在廣州師夔復同阿里海牙璿出等率兵渡梅嶺攻蘄之遂以參知政事留鎮廣州瑞州張公明訴師夔謀不軌璿出恐驚疑成變乃斬公明而後聞詔弗問十五年宋制置使張鎮孫起兵復廣州師夔執之及其妻子械送京師鎮孫自經死十七年以廣中民不聊生召師夔赴闕詰責壞民之由廷辯

無驗仍還省二十二年六月乞假省母始還江州 范文虎文  
德靖也宋咸淳中遷殿前副指揮使阿朮攻襄樊宋以文虎統  
禁軍來援遂苗異志軍中爲樂庭日與妓妾擊鞠宴飲不進兵  
比戰又不力兵屢敗所喪舟楫甚多及襄樊陷給事陳宜中請  
誅文虎賈似道庇之止降一官仍知安慶府至元十二年正月  
伯顏分兵至江州文虎遣人以酒饌迎犒且請伯顏速來伯顏  
使阿朮以舟師先至安慶文虎以城降伯顏承制遷授兩浙大  
都督命持詔往諭壽州諸鎮已復同失里伯史樞率襄陽熟券  
軍招安豐壽州五河等處軍民時呂文煥陳瑛旣先降方與文  
虎領兵攻陷州郡宋謝后詔諭文虎三人使通和議文虎等不  
報乃籍三人家妻孥多遇害十月命董文炳將左軍由江入海  
以文虎爲鄉導取道趨敵浦華亭十三年正月伯顏分兵圍安

吉文虎致書知州趙良淳誘之降良淳斬其使而自經及兵還臨安宋駙馬都尉楊鎮奉益廣二王潛渡江如婺州文虎率勁兵五千追之不及執鎮而還伯顏以臨安爲兩浙大都督府命文虎同忙古歹入治事且巡歷城堡宋宗室趙孟榮謀起兵于越事泄被執至臨安文虎怒斬之七月與呂師夔並參知政事十五年二月與夏貴陳巖並進中書左丞詔諭行省東南島嶼諸番國有慕義者可因番舶宣布德意使其來朝文虎遣周福等偕日本僧實詔往諭其國降海賊賀文達以所得銀三千兩獻之帝卽以銀賜文虎並賜金紋綾及西錦衣諸物文虎薦可爲守令者三十人帝曰今後所薦朕自裁擇皆不聽十七年五月召入朝命招集避罪附宋蒙古回鶻等軍並將兵十萬同右丞相阿剌罕征日本十八年正月文虎再赴闕請給馬二千及

回鶻臣帝曰戰船安用此亦不與十八年七月軍至平壺島遇  
颶風壞舟文虎被溺漂流一晝夜幸附敗板得生遂擇堅艦乘  
之棄士卒十餘萬于五龍山下盡爲日本所殲逃歸者僅三人  
初議班師諸將皆曰士卒溺死過半其脫死者皆壯士也苟若  
棄其無回輒心因糧於敵以進戰文虎不從曰還朝問罪我自  
當之二十四年諸王乃顏反帝親征命文虎將衛軍五百鎮平  
涼爲承繼文虎言蒙繇東京諸地人心未安宜立省撫治之詔  
立遼陽行省二十六年漳州賊陳機察等降行省請斬以警衆  
文虎曰罪固當斬然降而殺之何以示信宜並遣赴闕行省從  
其言蓋其意獨加厚於降人云

夏貴渠陽人爲宋淮西制置使兼知廬州阿朮引兵攻陽邏堡  
貴敗走沿江縱兵大掠廬州至元十二年正月會賈似道于

燕湖出一編書示之曰宋曆止三百二十年矣二月似道以精銳七萬餘人趨步軍指揮孫虎臣次池州下流之丁家洲貴以戰艦二千五百亘江中似道爲股貴既嘗失利於鄂恐似道功成殊無圖志虎臣前鋒將姜才方接戰衆曰步帥遁矣貴不戰而走以扁舟掠似道船呼曰彼衆我寡勢不可支似道錯愕失措遽鳴鉦收軍宋師大潰似道召貴計事貴曰諸軍已磨落吾何以戰乃復奔廬州阿木乘勝東下于是建康鎮江寧國隆興守臣皆棄城走太平和州無爲軍相繼降貴陰縱北軍岳全還致款附意以書抵伯顏曰願毋費國力攻奪邊城若行都歸附邊城焉往伯顏遣其甥胡應雷持諭與約四月宋徵貴爲樞密副使入衛貴不應詔十三年二月兵至臨安貴遂舉淮西州縣降得府二州六縣三十四戶五十一萬三千八百二十七口一

百二萬一千三百九有洪福者貴家僕也從貴積勞爲鎮巢軍  
統領僭降而復叛貴使其從子之福怒斬其使貴至城下好  
語語福請單騎入城福信之門開而伏兵起福被執貴誅殺其  
二子大淵大源并殺福十月貴請入覲令其孫貽孫權宜撫事  
賜銀鉅幣甚厚十五年二月與范文虎並爲中書左丞以江南  
土寇竊發人心未安命貴分道撫治軍民檢覈錢穀察郡縣被  
災情形舉劾多當上意十七年二月貴請老許之仍官其子孫  
陳奕者初諂事賈似道之王工陳振民爲兄以求進自小官  
躡貴顯爲沿江制置使兼知黃州程鵬飛既降以兵攻黃州奕  
遣人請降于壽昌軍且求名爵伯顏曰汝但率衆來歸何慮名  
爵許以沿江大都督奕喜遂以城降其子巖知安東州奕遣人  
至漣州出家兩示之巖亦降世祖授巖淮東宣撫使十二年五

月歲乞解官終制不許十三年七月宋姜才帥步騎來攻灣頭  
堡巖大破之獲米五千餘石加參知政事行省淮東二十二年  
進征東行省左丞同征日本二十四年五月江淮平章沙不丁  
議裁南官帝曰除陳巖呂師夔范文虎諸人餘從卿議其見信  
任如此世祖嘗召諸降將問曰汝等降何容易對曰買似道專  
國每優禮文士而輕武臣臣等久積不平故莫有鬪志帝曰似  
道實輕汝曹特似道一人耳汝主何負焉誠如汝言則似道之  
輕汝輩也因宜符寶郎黃文忠從旁詰之曰似道誠薄汝矣而  
君則貴汝以官富汝以祿未嘗薄也今有怨於相而移於君坐  
視國破如臣節何衆皆慙謝而退

同日褒笑上流半壁屏蔽淮南西江藉以牽制一旦反戈  
船輕風利雖忘故國實功新朝宜補紀載元勳永標



續弘簡錄元史類編卷十九

功臣三 平宋

兀良合台

子阿木

伯顏

附孟祺

阿里海牙

阿剌罕

塔出

懷都

完者都

忙兀台

隋世昌

李庭

朱國寶

阿塔海

張禧

子弘綱

張弘範

兄弘畧

李恒

李德輝

附呂璹

兀良合台蒙古人速不台子也

世系見父傳

方憲宗爲皇孫尙幼太

祖以兀良合台世爲功臣家使護育於潛邸分掌宿衛從諸王

拔都征欽察兀魯思阿孛烈兒諸部又從討平孛烈兒乃捏迷

思諸部時憲宗初立大理方結好於宋帝銳意圖宋乃命皇弟

忽必烈先進兵討西南彝以兀良合台總軍事癸丑

廟碑作壬子

秋

禡旗西行大軍自晏當嶺入雲南境摩步二部長唆火脫因塔

裏馬迎降冬過大渡河至金沙江分兵入察罕章蓋白蠻也所  
至寨柵俱下遣其子阿朮進取龍首關從太弟入大理國甲寅  
廟碑作秋分兵取附都鄯闡轉攻合刺章蓋烏蠻也進次羅部

是年

紀作高祥志  
作高泰祥

集諸部兵拒戰破之洩可浪

府大理渠長高昇泰

紀作高祥志  
作高泰祥

集諸部兵拒戰破之洩可浪

山至烏蠻所都押赤城城際滇池三面皆水險且固選驍勇以  
破摧其北門縱火攻之皆不克乃大震鉦鼓進而作作而止使  
不知所爲如是者七日敵疲於守禦阿朮乘夜潛師躍入其城  
衆大潰追至昆澤擒國王段興智獻於朝師至乾德哥城阿朮  
環城立礮以草填塹率所部搏戰城上城遂破乙卯攻拔不花  
合因阿合阿因等城及赤禿哥山寨乘勝擊破魯廝國塔渾城  
又取忽蘭城魯廝國阿伯國先後請降進克阿魯山城師行凡  
二載平大理五城八府四郡烏白契爨等蠻三十七部兵威所

加無不款服丙辰征白蠻波麗國阿木生擒其驍將獻俘闕下  
詔便宜取道與鐵哥帶兒合兵遂出烏蒙趨瀘江刻禿刺蠻三  
城却宋兵三萬奪其船二百艘於馬湖江通道嘉定重慶直抵

合州濟蜀江與鐵哥帶兒會丁巳雲南平遣使獻捷詔依漢故

事以西南彝爲郡縣加兀良合台大元帥還鎮大理以上廟碑俱作乙卯

經六盤至臨洮與大軍合月餘復西征烏蠻秋九月廟碑作丙辰九月

遣使招降交趾不從進兵壓其境國主陳日熈廟碑作光炳隔江列

象騎步卒甚盛兀良合台分軍爲三與戰蠻潰走至江駕舟逸

去師入交趾越七日日熈請內附乃還復軍押赤城兀良合台

病作將旋師阿木戰馬五十四匹夜爲禿刺蠻掠去分軍搜捕偵

知有三寨匿馬山巔阿木攀崖上擊破其寨盡得前後所盜馬

凡千七百匹遂屠押赤城憲宗遣使來諭約明年正月會軍長

沙乃率騎兵三千蠻焚萬人破橫山寨關老蒼關徇宋內地宋

陳兵六萬以俟阿朮潛自間道衝其中堅乘勝擊逐蹙貴州蹂

象州入靜江府順流東下連破辰沅二州直抵潭州兵自入宋

境轉鬪萬里未嘗敗北大小十三戰殺宋兵四十餘萬營潭城

下月餘時太弟已渡江駐鄂州遣也里蒙古廟碑作曲里吉思領兵來

援且加勞問遂自鄂北渡與大軍合後十二年卒廟碑作至元八年

七十二子阿朮沉幾有智畧憲宗時從父兀良合台征西南

薊率精兵爲候騎所向摧陷至平大理降交趾累著奇功世祖

卽位留典宿衛從征李璫有功拜征南都元帥治兵於汴至元

初畧地兩淮觀兵襄陽遂入南郡取仙人鐵城等柵軍還宋盛

兵邀襲樊間阿朮乃自安陽灘先濟留精騎五千陣牛心嶺復

立虛寨設疑火夜半敵果至斬首萬餘級初阿朮過襄陽駐馬

虎頭山指漢東白河口曰若築壘於此以斷宋餉道襄陽可圍也五年河南參政阿里海牙以兵來會遂築鹿門新城等堡繼又築臺漢水中與夾江堡相應自是宋兵援襄者不得達六年秋大霖雨漢水溢宋將夏貴范文虎分遣舟師出沒東岸林谷間阿朮謂諸將曰此虛形不可與戰宜整兵以備新城明日貴舟果趨新城堡至虎是洲追斬殆盡于是大治戰艦教水軍築圍城以逼襄陽文虎率舟師援貴知德安府來興國又乘勢侵百丈山阿朮與阿里海牙前後邀擊於灌子灘俱敗走八年文虎將衛卒及兩淮舟師十萬進至鹿門阿朮夾東西爲陣別令一軍趨會丹灘犯其前鋒文虎逆戰不利棄旗鼓鎧仗遁阿朮俘其軍獲戰艦甲械不可勝計九年破樊城外郛宋裨將張順張貴裝軍衣百船自上流徑趨襄陽順被創死貴得入城俄乘

水漲出輪船欲順流還郢阿朮令諸軍艤舟待之沿岸束荻列炬火光燭天如晝追至櫃門關擒貴餘衆盡死先是襄樊兩城

夾漢水宋兵植巨木江中鎖以鐵絙上造浮梁通援兵樊亦恃

此爲固至是阿朮命以機鋸斷木以斧斷絙燔其橋襄兵不能

達乃帥銳師截江而出遂拔樊城阿里海牙移攻具向襄陽城

中大恐守將呂文煥降

世祖本紀阿里海牙傳俱作十年事

十年奉命畧淮東抵

揚州城下宋以千騎出戰阿朮伏兵道左佯北宋兵逐之伏發

敗去十一年正月入覲與阿里海牙共請伐宋帝命相臣議久

不決阿朮進曰臣畧地江淮備見宋兵弱於往昔失今不取時

不再來帝曰朕意決矣詔大徵兵與丞相伯顏南伐秋九月師

次郢之鹽山得俘民言宋沿江九郡精銳盡聚二郢南北兩城

夾江漢舟師出其間騎兵不得護岸危道也不若取黃家灣堡

東有河口可由中拖船泛藤湖以達江僅三里甚便阿木從其  
言遂舍郢去行大澤中宋騎兵突至時從騎纔數十人阿木奮  
槊馳擊生擒郢州都統趙文義殺之進拔沙洋新城次復州時  
夏貴鎖大艦絕漢津爲陣兩岸戒嚴阿木用千戶馬福計回舟  
輪河口穿湖中將從陽羅堡西沙蕪口入江軍至陽羅堡攻之  
不克阿木謂伯顏曰攻城下策也若分軍船之半循岸西上泊  
青山磯伺隙擣虛可以得志遂乘夜遡流上二十里至青山磯  
宋師不知也值大雪夜半遙見南岸多露沙洲卽率諸將徑渡  
載馬後隨宋都統程鵬飛來拒阿木橫身蹀血大戰中流鵬飛  
敗走諸軍登沙洲急擊攀岸步鬪散而復合者數四敵小却諸  
將出馬於岸追至郢東門夏貴聞阿木飛渡大驚引兵先遁始  
拔陽羅堡盡得其軍實阿木還渡江與伯顏會于武磯山議兵

所向或欲先取蘄黃阿朮曰若赴下流退無所據先取鄂漢雖遲旬日可爲萬全計乃分兵水陸並趨鄂州焚其船三千艘煙燄漲天漢陽鄂州大恐相繼降十二年春黃蘄江三州降卽率舟師趨安慶下池州宋賈似道擁兵蕪湖遣宋京來請和如開慶約伯顏謂阿朮曰有詔令我軍駐守何如阿朮曰若釋似道而不擊恐已降州郡難保且宋人無信方遣使請和而又射我軍船執我邏騎今宜速進兵若有失我任其咎師次池州下流之丁家洲時似道以精銳七萬盡屬孫虎臣爲前鋒夏貴以戰艦二千五百艘橫亘江中似道將兵殿後伯顏令軍中作大檣數十採薪芻置其上陽言欲焚宋舟宋軍惟晝夜嚴備而戰心少懈伯顏分步騎夾岸進麾戰艦合勢衝宋軍阿朮與虎臣對陣舉巨礮擊其中堅虎臣軍動阿朮以划船數千乘風直進挺



身登舟手舢突入敵中諸軍繼進虎臣前鋒將姜才方接戰虎臣遽過其妾所乘舟衆見之譁曰步帥遁矣軍遂亂貴不戰而走以扁舟掠似道船呼曰彼衆我寡勢不支矣似道聞之遽鳴鉦收軍舢舨驚蕩乍分乍合阿朮以小旗麾將校橫擊深入伯顏令一騎左右摘之死者過半江水爲之盡赤似道與虎臣單舸奔州帝以宋重兵在維揚臨安倚之爲重命阿朮分兵駐揚州以斷宋淮南之援四月次真州敗宋兵于珠金沙乃造樓櫓戰具于瓜洲漕粟于真州樹水柵于揚子橋以絕宋糧道且爲瓜洲蔽時伯顏奉詔赴闕七月宋兩淮鎮將張世傑孫虎臣操戰艦曰黃鵠白鶴萬餘艘次焦山東每十船爲一舫聯以鐵鎖沉鐵碇于江中非有號令毋得起碇以示死戰阿朮登石公山望見舢舨連接旌旗蔽江曰可燒而走也選善射者千入載

巨艦分兩翼交射阿朮居中合勢大戰自辰至午乘風以火矢  
燒其篷檣風悉火熾宋前軍大亂猝不能起碇赴江死者數萬  
後軍散走追至圖山獲白鷁子七百餘艘自是宋不能軍九月  
阿朮築灣頭堡姜才將步騎來攻阿朮擊走之十月拜中書左  
丞相帝曰淮南重地李庭芝狡詐仍須卿守之時諸軍進取臨  
安獨阿朮留駐瓜洲以絕揚州之援十三年二月夏貴舉淮西  
諸城降阿朮謂諸將曰今宋已亡獨庭芝未下若不絕其聲援  
塞彼糧道恐東走逼秦逃命江海乃柵揚之西北丁村以扼高  
寶餽運留屯新城以逼秦州更遣千戶伯顏察兒率甲騎以捍  
灣頭堡戒曰宋軍水路既絕必從陸出宜謹備之六月姜才聞  
高郵米運將至夜出步騎犯丁村比曉伯顏察兒來援所將皆  
阿朮牙下精兵旗畫雙赤月衆望見呼曰丞相來矣宋軍識

其旗皆遁才僅以身免庭芝挾才東走阿朮率兵追襲庭芝入

泰州泰州守將孫良臣

史作孫貴胡惟孝

開北門納款庭芝才俱被執

戮之揚州市乃申嚴士卒禁侵掠有武衛軍校奪民二馬卽斬以徇淮南北平九月入見陳宋俘奏先後所得江淮兩浙湖南北爲府三十七州一百二十八縣七百三十三戶九百三十七萬口一千九百七十二萬第功行賞實封泰興縣二千戶二十三年受命北伐叛王昔刺木等明年凱旋又西征至哈刺霍州以疾卒追封河南王

名臣事畧云阿朮聞敵所在忠勇奮發卽躍馬挺槊陷陣深入故南討北征四十年

間大小百五十戰未嘗敗衄其追降生擒者皆釋而不問及處閒暇恂恂似不能言論者

冊曰自古開疆必由中土惟茲陪宋入自南阻幹腹計成積薪厝火馴至燎原知者莫補

伯顏蒙古巴隣部人世爲其部千戶父曉古台從宗王旭烈兀

開西域遂鎮焉伯顏長於西域

輟耕錄云伯顏嘗至于闐國得一玉佛高四尺色如截肪照之

筋骨脉絡皆見卽貢上方又有白玉一尺高廣五六尺長十七步以重不可致至元初入奏事世祖見

其言貌曰此非諸侯王臣也遂留禁中恒預謀國事敕以安童

女弟妻之拜中書左丞相諸曹白事有難決者徐出一二語決

定省中讐服曰眞宰相也十一年正月荆湖行院阿里海牙平

章阿木入覲並請大舉伐宋帝趣召史天澤同議天澤請以伯

顏督諸軍則四海混同可計日而待帝可其奏乃與天澤並拜

中書左丞相行省荆湖時荆湖淮西各建行省天澤言號令不

一或致敗事復改淮西行省爲行樞密院乃以伯顏領河南等

路行省所屬並聽節制秋七月陞辭天澤至中途疾作表請專

任伯顏九月甲戌朔會師襄陽分軍三道並進伯顏與阿木由

中道循漢江趨郢州遇霖雨水溢無舟不能涉伯顏曰吾且飛

渡大江而憚此潢潦邪名一壯士負甲仗騎而前導麾諸軍畢  
濟癸巳次鹽山距郢州二十里郢在漢水北以石爲城宋人又  
於漢水南築新郢橫鐵網鎖戰艦密樹椿木水中下流黃家灣  
堡亦施牀設攻具堡之西有溪南通藤湖至漢江僅三里遣總  
管李庭劉國傑攻拔黃家灣堡豎舟山藤湖入江諸將請曰郢  
城我之喉襟不取恐妨歸路伯顏曰用兵固有緩急攻城下策  
也大軍之出豈直爲此一城哉遂舍郢順流下伯顏阿朮殿後  
十月甲子次沙洋堡遣人招之不應會日暮風起經世大典云用者能祭伯顏命順風掣金汁礮焚其廬舍城遂破丙寅克新  
城十一月丙戌下復州諭諸將不得入城違者以軍法論阿朮  
使阿里海牙來請渡江期伯顏不答明日復來又不答阿朮乃  
自至伯顏曰此大事主上以付吾二人可使餘人知吾虛實邪  
續弘簡錄

潛刻期別去乙未大軍次蔡店遣諸將往覘漢口形勢宋淮西制置夏貴以戰艦萬餘分據上游都統王達守陽羅堡荆湖宣撫朱禪孫以遊擊軍扼中流兵不得進阿朮言漢口水急且有備不若回舟輪河轉取沙蕪口可入大江伯顏復使覘之貴亦以兵拒守乃趨圍漢陽聲言欲取漢口渡江貴果移兵援漢十二月丙午軍次漢口伯顏乘間遣奇兵倍道奪沙蕪口引船入輪河轉沙蕪徑入大江伯顏率戰艦踵至屯布萬騎於江北下令修攻具進逼陽羅堡遣人招之其將士曰我輩受宋厚恩誓以死戰安有降理我宋天下如孤注輸贏在此一擲爾伯顏麾諸將力攻三日不克謀於阿朮曰彼謂我必拔此堡方能渡江此堡堅攻之徒勞汝今夜以鐵騎三千泛舟遡流西上爲擣虛計詰旦渡江襲南岸已渡則急遣人來告乙卯分遣阿里海牙

督萬戶張弘範等先以步騎攻陽羅堡夏貴來援阿木山不意  
率軍逕渡南岸丙辰報至伯顏大喜揮諸將急攻破陽羅堡宋  
軍大潰貴走至白虎山諸將請追之伯顏曰吾正欲遣使宣陽  
羅之捷今貴走是代吾使不必追也已未師次鄂州鄂特漢陽  
爲蔽將戰焚其戰艦三千艘火照城中兩城大恐宋守將皆降  
綱目云幕僚張山翁獨不屈諸將請殺之伯顏曰義士也釋之  
去江淮招討使汪立信扼吭死伯顏求其後厚卹之日忠臣之  
家也遂撤宋兵分隸諸將麾下留阿里海牙以兵四萬分省于鄂  
規取荆湖而白與阿木統大兵水陸東下十二年春正月癸酉  
朔阿木取黃州癸未伯顏取蘄州丙戌克江州至湖口繫浮橋  
以渡風迅水駛橋不成遣萬戶史弼禱於大孤山神頃之風息  
大軍畢渡二月壬寅朔下安慶丁未次池州宋權州事趙鼎發  
與其妻自經死伯顏入城令具衣衾葬焉賈似道督師蕪湖遣

宋京以荔子黃柑遺伯顏致書請還已降州郡願貢歲幣如前

約伯顏遣千戶囊加歹同其介阮思聰

經世大典作袁克己

還報使語似

道曰如君臣相率納土卽當奏聞否則備爾甲兵以決勝負似  
道得書不報庚申發池州壬戌次丁家洲似道都督諸路軍馬  
號百萬以夏貴孫虎臣爲前鋒迎敵伯顏命左右翼率騎兵夾  
岸進萬弩齊發阿朮操戰艦擣其中堅擊以巨礮宋軍大潰似  
道東奔揚州甲子師至太平無爲鎮巢和州諸守將相繼迎降  
庚午師次建康之龍灣大賚將士三月癸酉宋建康守將以城  
降鎮江寧國江東淮西州郡以次歸順時江東大疫且饑伯顏  
開倉賑之兼遣醫治疾民大悅帝諭伯顏按兵遣國信使廉希  
賢等詣宋行至廣德軍爲宋人所殺帝聞之怒趣進兵宋遣都  
統洪模移書言殺使之事太皇太后及嗣君皆不知實邊將罪



願輸金幣請罷兵伯顏曰彼爲譎詭計以伺我虛實耳當擇人  
同往宣布威德令彼速降乃遣議事官張羽至平江宋人又殺  
之四月帝下詔以時方暑不利行師俟秋高再舉伯顏奏曰宋  
人據江湖如獸保險今已扼其吭電擊風馳取之恐後少縱則  
逸而逝矣帝語使者曰將在軍不從中制兵法也宜從丞相請  
五月復召伯顏赴闕七月見帝于上都進位右丞相伯顏辭曰  
阿朮功多臣宜居後帝以阿朮爲左丞相伯顏受命還行省付  
以詔書俾諭宋主乃取道益都行視沂州諸軍調淮東元帥李  
魯歡一作博阿里伯以所部兵沂淮而進九月庚辰會師淮安  
城下伯顏親臨南城堡揮諸將長驅而登平其南堡丙戌次寶  
應庚子次高郵十月圍揚州名諸將指授方畧留李魯歡阿里  
伯守灣頭新堡衆軍南行至鎮江十一月乙亥伯顏分軍三道

期會臨安阿剌罕等爲右軍以步騎自建康出四安趨獨松嶺  
董文炳等爲左軍以舟師自江陰循海趨澈浦華亭伯顏及阿  
塢海由中道節制諸軍水陸並進壬午伯顏軍至常州先是常  
州守判以城降旣而都統制劉師勇與張彥王安節等復據之  
伯顏射書城中謂勿以已降復叛爲疑不應遂叱帳前軍登南  
城豎赤幟城上諸軍見之大呼曰丞相登矣師畢登宋兵大潰  
屠其城續資治云伯顏命役城外居民運土爲壘土至并以  
築之且殺民煎膏取其油作礮及城破盡屠其民惟七  
人免師勇變服奔平江諸將請追之伯顏曰但令師勇所過  
城守者膽落矣遣萬戶懷都先據無錫州忙古歹巡太湖庚寅  
遣降人游介實奉詔書副本使宋仍以書諭宋大臣十二月辛  
丑次無錫宋將作監柳岳等奉幼主及謝太后書併宋大臣與  
伯顏書來見垂泣曰太皇太后年高嗣君幼且在衰經甲自古

禮不伐喪乞班師敬如約進奉修好今日事至此者皆奸臣  
似道失信誤國耳伯顏曰主上卽位之初奉書修好汝國執我  
行人一十六年所以興師問罪去歲又無故殺害信使過將誰  
歸如欲我師不進將效錢氏納土乎李主出降乎爾宋昔得天  
下於小兒之手今亦失於小兒之手蓋天道也輟耕錄云宋之  
帝順德七年恭帝方八歲及亡終於少帝德祐元年少帝時四  
歲名昀而顯德二字竟與得國時合周以主幼失國宋亦以主  
幼失國周有太后在宋亦有太后甲辰軍次平江宋遣尙書夏士  
后在始終興亡之數昭然如此林侍郎呂師孟右史陸秀夫奉書稱姪請和不許癸亥伯顏發  
平江以忙古歹范文虎行兩浙大都督事取湖州十三年正月  
己巳克嘉興乙亥宋宰臣陳宜中遣御史劉昂易宋主稱臣表  
副本且致書伯顏約面議降事辛巳軍至崇德壬午次長安鎮  
宜中違約不至癸未進屯臨平鎮甲申次皋亭山宋遣知臨安

府賈餘慶奉傳國璽及降表詣軍前伯顏受訖乙酉軍至臨安  
北十五里分遣董文炳呂文煥范文虎閱視城堡俄聞降將洪  
模來報宜中與張世傑劉師勇等挾宋益王昀廣王昺下浙江  
航海去伯顏亟遣勁兵追之不及宋謝后遣丞相吳堅文天祥  
樞密謝堂來見伯顏顧天祥舉動非常疑有異志留之軍中天  
祥數請歸伯顏曰勿急君爲宋大臣責任非輕今日之事正當  
與我相共令館伴羈縻之遣餘慶還易宋主削帝號降表已丑  
駐軍臨安城北湖州市遣囊加歹先以傳國璽入獻庚寅伯顏  
建大將旗鼓率左右翼萬戶巡臨安城觀湖浙江宋宗室大臣  
來見宋主易稱臣降表及諭未附州郡手詔至令鎮撫唐古歹  
罷遣天祥所募義兵二萬餘人壬辰伯顏登獅子峰觀臨安形  
勝命唆都撫諭軍民部分諸將共守城護宮分宋三衙諸衛兵

於各翼以俟調遣其新募軍願歸者聽遣降將招諭浙東嚴發  
衛信諸州二月庚子宋主率百僚望闕拜發降表伯顏承制以  
臨安爲兩浙大都督府忙古歹范文虎始入治府事復命張惠  
等籍宋軍民錢穀數閱實倉庫收百司符印告敕罷官府移宋  
主居別宮禁軍民不得侵壞宋氏山陵癸卯謝后命吳堅賈餘  
慶謝堂家鉉翁劉岳與文天祥並充祈請使楊應奎趙若秀爲  
奉表聖官赴闕請命伯顏拜表稱賀曰國家之業大一統海岳  
必明主之歸帝王之兵出萬全昧弱敢天威之抗始于戈之爰  
及迄文軌之會同區宇一清普天均慶恭惟皇帝陛下道光五  
葉統接千齡梯航日出之邦冠帶月支之域際丹崖而述職奄  
瀚海以爲家獨此昏愚弗遵聲教謂江湖可以保逆命舟楫可  
以敵王師連兵負固逾四十年背德食言難一二計當聖主飛

渡江南之日遣行人乞爲城下之盟逮凱奏之言旋輒詐謀之復肆拘囚我信使忘乾坤再造之恩招納我叛臣盜漣海三城之地我是以有六載襄樊之討彼居然無一介行李之來禍既出於自求怒致開於斯赫臣等肅將禁旅恭行天誅爰從襄漢之上流復出武昌之故渡藩屏一空於江表烽烟直接於錢塘尙無度德量力之心存有殺使毀書之事屬廟謨之親稟謂根本之宜先乃命阿剌罕取道獨松董文炳進師海渚臣與阿埒海忝司中閫直指僞都犄角之勢旣成水陸之師並進常州已下荆湘傳檄而悉平臨安爲期諸將連營而畢會彼知窮感迭致哀鳴始則有爲姪納幣之祈次則有稱藩奉璽之請顧甘言何益於實事率銳卒直抵於近郊名來用事之大臣放散思歸之衛士崛起心在四郊之橫草都無飛走計窮一片之降幡始

暨臣奉揚寬大撫戢吏民九衢之市肆不移一代之繁華如故  
茲惟睿算卓冠前王視萬里如目前運天下於掌上致令臣等  
獲對明時歌七德以告成深切龍庭之想上萬年而爲壽敬陳  
虎拜之辭謹奉表稱賀戊申堅等發臨安夏貴以淮西來降三  
月丁卯伯顏入臨安俾孟祺籍宋禮樂祭器冊寶儀仗圖書庚  
午召伯顏偕宋君臣入朝伯顏留阿剌罕董文炳治省事俾經  
畧閩粵忙古歹以都督鎮浙西唆都以宣撫鎮浙東而自護宋  
君臣北上西浙平凡得府八州六軍一縣八十一戶二百九十  
八萬三千六百七十二口五百六十九萬二千六百五十乙亥  
伯顏發臨安宋主母后及福王與芮而下官屬從行者數千人  
五月伯顏以宋主至上都帝御大安閣受降命伯顏告天地宗  
廟大赦天下帝勞伯顏拜同知樞密院事以陵州藤州戶六千

爲食邑先是太宗曾孫海都者世居北方常爲邊患帝封皇子南木合爲北平王統軍鎮其地旣而諸王昔里吉劫北平王以飯仍命伯顏討之遇于幹魯歡河夾水而陳相持終日伺少懈麾軍爲兩隊掩其不備破之昔里吉走死十八年二月命從燕王真金撫軍北邊帝曰伯顏才兼將相忠於所事故俾從汝不可以常人遇之當伯顏之還朝也詔百官郊迎平章阿合馬先詣官道謁伯顏解所服玉鈎條遺之阿合馬謂其輕已乃誣以平宋時私取玉桃蓋帝察之無驗至是有獻此蓋者帝愕然曰幾陷我忠良二十二年秋宗王阿只吉失律詔伯顏代總其軍邊兵嘗乏食伯顏令軍中採葢怯葉兒及藕致根人各貯四斛草粒稱是盛冬雨雪人馬賴以不饑諸王乃顏者烈祖元孫也素蓄異志或告乃顏反命往覘之伯顏多載衣裘入其境輒以



與驛卒既至乃顏設宴謀執之伯顏覺與其從者趨出分三道  
馳歸驛人以得衣裘故爭與健馬得脫還白狀乃顏果反帝親  
征伯顏奏李庭董士選將漢軍爲前鋒乃顏黨金家奴塔不台  
進逼乘輿漢軍力戰乃顏卒就擒二十六年進知樞密院事鎮

和林

和林置知院自此始

二十九年宗王明里鐵木兒附海都叛詔伯顏

往討遇于阿撒忽禿嶺矢下如雨伯顏令曰汝寒君衣之汝饑

若食之政欲効力此時爾於此不勉將何以報麾諸軍退後者

斬伯顏先登陷陣諸軍爭奮明里鐵木兒敗走軍中獲謀者伯

顏遣賫書明諭以禍福明里鐵木兒得書感泣來降未幾海都

復犯邊留伯顏拒守廷臣或譖其久居北邊與海都通好帝以

御史大夫玉昔帖木兒代之伯顏居大同俟命三十年冬驛召

至京世祖崩伯顏總百官以聽成宗將立親王有違言伯顏握

創立殿陛陳祖訓宜顧命辭色俱屬諸王殷栗趨下拜加伯顏  
太傅錄軍國重事江南三省累請罷行樞密院帝問於伯顏時  
已屬疾張口對曰內而省院各置爲宜外面軍民分隸不便遂  
罷湖廣江西江淮三院事歸行省冬十二月丙申有大星隕東  
北雨木冰庚子卒年五十九大德八年加封淮安王諡忠武延  
佑初詔立祠杭州給川以共祀事 孟祺字德卿宿州符離人  
當伯顏伐宋授祺爲行省諮議諸將爭趨臨安伯顏問計祺曰  
若以兵相迫宋必竄閩一旦盜起臨安三百年之積焚蕩無遺  
矣莫若以計安之令彼不懼正如取果稍待時日耳伯顏從其  
言祺自請爲使徵降表至宋取宋國璽十二枚出伯顏將親封  
之祺曰管鑰自有主者非所宜親一有不謹恐異時姦人妄相  
染污終不可白遂止伯顏奏祺前後功累官浙東按察使

問曰宋運已阨特簡斯人摧枯拉朽若風掃塵惟遵弗殺

為時曹彬忠能致主澤在保民

阿里海牙

綱目作匪

長吾兒人初生胞中剖而出父以為不祥將棄

之母不忍比長聰辨有膽畧家貧嘗躬耕舍耒歎曰大丈夫當

垂功竹帛何至橫項畎畝去求北庭書讀之一月而盡用薦者

得奉先王新見擢用

魏延神道碑云大將上郡吉帶薦其忠謹得宿衛從齊江帝射虎未發海涯拾馬挺

人言其文之攻帶先衆而登禽一

由左右司郎中遷參議中書省

事至元五年命僉河南行省事與阿朮劉整取襄陽始帝之遣

諸將也命毋攻城但圍之以俟其自斃乃築長圍起萬山包百

文楚山盡鹿門堡俾南北不相通又築峴山虎頭山為一字城

聯軍皆為必取計城中糧儲多呂文煥拒守五年終不下九

年三月破樊城外郭其將復閉內城堅守阿里海牙以為襄陽

之有樊城猶齒之有唇也宜先攻樊城樊下則襄陽可不攻而得乃入奏帝報可會西域人獻新礮法挾之來軍中爲礮攻樊破之先是宋兵作浮橋以通襄陽之援阿里海牙發水軍焚其橋襄援不至城乃收

語詳阿朮傳

既而移攻具向襄陽一礮中其譙

樓城中洵懼多踰城降者阿里海牙身至城下與文煥折矢爲誓文煥感而出降遂與入朝帝以阿里海牙行荆湖樞密院事鎮襄陽因奏自古荆襄用武之地今漢水上游已爲我有宜乘勝順流長驅宋必可平會阿朮入覲力贊其議詔益兵十萬拜伯顏爲行省左丞相阿朮爲平章阿里海牙進右丞同伐宋十一年九月會師襄陽遂破郢州及沙洋新城師由沙燕口入大江宋夏貴守諸隘甚固阿里海牙麾兵攻武磯堡貴趨援阿朮遂以兵西渡青山磯鄂州降伯顏與諸將會鄂城下議曰鄂襟

山帶江爲江南要區且兵糧皆備今蜀江陵岳潭皆未下不得一大將鎮撫其地上流一動則鄂非我有矣乃分兵四萬遣阿里海牙戍鄂州而自與阿朮將大兵東下阿里海牙集鄂民宣上德意禁將士毋侵掠民大悅遣人徇壽昌信陽德安諸郡皆下阿里海牙言江陵地居上流宋倚之爲重鎮若非乘此破竹之勢取之待江水泛溢鄂漢之城恐亦難守帝從其請進徇江陵與宋鄂州安撫高世傑遇于洞庭湖兵船成列而陣阿里海牙督諸翼水軍屯東岸而自帥兵左右夾擊世傑敗走追至桃花灘力屈而降誅之遂下岳州至江陵縱火焚其柵宣撫朱禔孫制置高達恐卽以城降遂入城釋繫囚放戍券軍除其徭役及法令之繁苛者傳檄歸峽常德鼎澧隨辰沅靖郢復均房施荊門及諸徭峒無一梗阻以江陵地圖來上請曰荊州西距梁

益南控交廣據江淮上游爲要地非朝廷重臣開大府以鎮之  
未足以收新附來遠人帝覽奏喜語近臣曰伯顏兵東下阿里  
海牙以孤軍戍鄂朕方憂之恐荆蜀連兵順流猝至今荆南旣  
定吾東兵可無後患矣卽命右丞相廉希憲出鎮江陵促阿里  
海牙急還鄂且以沿江諸城新附者委之比至鄂爲書招潭州  
守帥李芾不聽因決隄水部分諸將以破攻破其木堡流矢中  
胸創甚督戰益急奪其城潭人復作月城拒守十三年正月芾  
方屈自殺諸將欲屠城阿里海牙曰是州生齒百萬若悉加屠  
戮非上諭伯顏以曹彬不殺意其屈法生之復發倉以食饑者  
由是桀全道桂陽永衡武岡寶慶袁韶南雄諸州郡守臣皆率  
民來迎曰聞丞相體上帝好生之德所過秋毫無犯民今復見  
太平各奉表降獨宋知邕州馬瑩守潯江不下阿里海牙貽書

許以廣西大都督鑒焚書斬其使靜江以水爲固乃築堰斷大陽小浴二江以遏上流決東南地以涸其隄城破鑒被執阿里海牙以靜江民易叛非潭比悉坑之斬鑒于市分遣萬戶脫溫不花狗賓融柳欽黃邑慶遠齊榮祖狗鬱林貴廉象脫隣狗潯容藤梧皆下宋特磨道主儼士貴南丹州牧莫大秀皆奉表求內附奏官其土官分兵戍諸要害自還潭州旣而宋二王稱制海中雷瓊全永與潭屬縣民文才喻周隆羅飛賀十二咸起兵應舒黃蘄相繼亦起詔命討之且畧地海外阿里海牙旣誅才喻等至雷州使人招諭瓊州安撫趙與珞不聽遂自航海五百里至白沙口執與珞冉安國黃之紀宋史裂殺之盡定瓊南寧萬安吉陽諸地降八番羅甸諸蠻以其長文龍兒入見置宣慰司十六年入覲獻金三千五百兩白金五萬三千兩南臺御史

大夫相威檢覈阿里海牙所俘男婦得萬二千餘口帝令盡放  
爲民相威復奏阿里海牙占降民一千八百戶爲奴自置吏責  
其租賦阿里海牙謂征行所得帝曰如果降民宜速還司若  
征行所得令御史臺籍其數量賜有功者十八年奏請徙省鄂  
州所定荆南淮西江西海南廣西之地得州凡五十八峒徭山  
獠不可勝計未嘗專事殺戮取民悉定從輕賦民所在立祠祀  
焉碑云初籍民田租畝取三升盡除宋他名徵後征海南度不  
足於用始權抽戶調三之一時以爲虐然較江浙諸省繁增  
猶以輕平二十一年四月親行海濱收集占城潰卒同鎮南  
王脫歡征交趾敗其兵于萬劫江還朝加湖廣左丞相自陳其  
功止伯顏當賜養老戶御史滕魯瞻劾其矜功邀賞阿里海牙  
自辨有旨逮魯瞻赴行臺質問相威曰爲臣敢爾欺誑邪御史  
何罪奏釋之未幾卒追封恭愍公諡武定後朶哥專政遣其黨



要東木鉤考荆湖錢穀乃籍其家貲送至京

阿剌罕札刺兒氏

虞集世勳碑作孫都思氏

祖發微父也柳干皆有戰功死

於陣

碑云祖父俱事太祖以忠勇見知上嘗與名赤溫戰其父率族黨夜攻之脫太祖於難官怯薛爲宿衛長阿剌

罕襲萬戶世祖命以所部軍擊破阿藍答兒渾都海之兵於昔

門禿追至河西而還從伐宋伯顏與阿朮會師襄陽命阿剌罕

率諸翼軍攻郢復二州奪郢之南門堡復帥騎倍道兼行拒守

沙蕪口入江取鄂州東畧壽昌得米四十萬斛充軍餉統右翼

軍順流東下沿江州郡悉降拜參知政事鎮建康伯顏還取臨

安分軍三道並進阿剌罕由西道趨深水深陽攻破銀樹東壩

至護牙山慶豐圩歷敗宋師由建平縣進取廣德軍先是宋廣

德守張滿殺國信使廉希賢等及阿剌罕軍次安吉州滿率兵

遁走追斬之宋降伯顏受詔赴闕留阿剌罕同左丞董宋炳治

省事旋命攻浙東漸入閩招降蒲壽庚于泉州追襲朱秀王趙

與罕

一作釋

至福州與宋軍轉戰四十里斬步帥李世達于陣殲

其軍獲秀王及其弟與慮子孟備皆不屈死降部曲淮卒三千  
人江南平授江東宣慰使尋拜行省左丞相統諸道兵四十萬  
征日本行次慶元卒于軍

塔出布兀刺氏幼孤長善騎射至元初入侍世祖占對多稱旨  
授山東統軍使九年改僉行樞密院事數將兵攻下瀕淮堡柵  
分遣步騎趨漣州攻破射龍灣五港口鹽場白頭河四城尋移  
淮西令城正陽以扼淮海宋將陳奕慶率安豐廬壽等州兵撓  
其役塔出選精銳且戰且築城成宋復造戰艦于六安謀攻正  
陽塔出覘知之率騎焚其艦餽餒久不繼潛取安豐麥以餉軍  
復出奇兵敗宋師于橫河日胡譏淮上諸郡爲宋北藩籬城堅

兵精攻之難猝下徒老師無益宜先渡江剪其根本留兵淮甸  
絕其聲援則長江可乘虛而渡於是命塔出爲淮西參政取安  
豐廬壽諸州宋夏貴帥升師十萬圍正陽決淮水灌城幾陷帝  
遣塔出往救道出潁州遇宋兵攻潁戍卒僅數百人時盛暑塔  
出樵發官庫弓矢驅市人出戰預度潁之北關攻易破急徙民  
入城伏兵以待宋果夜焚北關火光屬天塔出率衆從暗中齊  
射宋軍退敗之于沙河明日長驅抵正陽時方霖雨突圍入城  
堅壁不出俄天霽乃與右丞阿塔海分帥銳師渡淮至中流死  
戰宋軍潰正陽圍解從伯顏以舟師與宋戰丁家洲賈似道敗  
奔揚州遂分兵四出克池州取太平順流下建康丹徒江陰常  
州皆望風迎降十三年命領淮西行省事時沿淮諸州新附至  
則禁侵掠撫瘡痍練士卒備姦宄境內帖然俄遷江西都元帥

征廣東所至溪峒納欵廣東平再遷江西宣慰使宋益廣二王走保嶺海復改宣慰爲行省移治贛州命張弘範李恒呂師夔出師嶺海以塔出留後供軍餉初江西甫定帝命襲其城塔出表言豫章諸郡皆瀕江爲城霖潦泛溢無城必至墊溺襲之非便降附之初有謀叛者旣敗獲塔出謂同僚曰此撫治乖方所致也止誅渠魁盡釋餘黨瑞州張公明愬左丞呂師夔謀不軌塔出廉知其誣曰狂夫欲脅求貨耳若遽問朝廷則大獄將起連及無辜且師夔旣承行省詎肯妄圖若遲疑不決恐彼驚疑反生意外乃斬公明而後聞帝是之十七年入覲卒于京年僅三十七妻明理氏以貞節旌次子泌宰牙仕至征東行省左丞妻伯牙倫郡王孛魯歡女亦守義有賢行

懷都斡魯納台氏祖阿木魯與太祖同飲渾河水總大軍伐遼

東諸部後討西夏大戰于合刺合察兒擒其主太祖盡賜以夏  
主遺物授蒙古軍千戶尋老以子不花襲中統二年不花卒子  
幼懷都兄子繼其職李璫叛從親王哈必赤圍濟南璫四面  
衝突求出懷都直前奮擊璫退之入城璫誅第功居最至元初  
授山東統軍使從征襄陽西渡漢江宋遣水軍截歸路懷都選  
士卒浮水殺宋軍奪其戰艦軍次淮南天長至五河口與宋兵  
戰屢敗之會守鹿門山白河口一字城進攻樊之古城堡堡高  
七層懷都交勦士卒親冒矢石奪之襄陽既降帥師屯蔡息還  
城正陽宋夏貴來攻逆戰退之遂畧地安慶北渡至柵江堡敗  
宋軍三千餘已復南渡江駐兵京口諜知宋平江軍出常州懷  
都率千人至無錫與宋兵遇大戰殲其衆命領軍護焦山江岸  
仍往揚州灣頭立木城以兵戍守未幾還守鎮江從右丞阿增

海攻常州宋兵自平江來援懷都提兵至橫林店與之遇奮擊  
大破之直取秀州已復同元帥張弘範徇溫州撫治迤東新附  
軍民授浙東宣慰使討台處叛者戰于黃霄嶺又戰于溫州白  
塔屯寨所至輒克累官行省參政卒于處州不花子忽都合兒  
阮長分襲千戶從平宋有功授浙西招討使

完者都欽察人廣額豐領將長過腹驍勇而樂善好施聽讀史  
聞忠良則喜過姦諛則怒以材武起家從世祖攻鄂州先登已  
從阿木闥襄樊攻沙洋新城由沙燕口渡江入臨安下揚州皆  
有功江南平入見帝顧謂侍臣曰真壯士也賜名拔都魯至元  
十七年漳州民陳桂龍及其兒子陳弔眼有衆數萬劫掠汀漳  
間據高安砦命完者都往討加福建征蠻都元帥面慰遣之許  
便宜行事時建寧賊黃華亦聚黨三萬號頭陀軍勢尤猖獗完

者都先引軍壓其壘賊驚懼乞降明日勅諸軍大獵以殲其  
華等縱觀之適一鵬翔空中完者都引弓仰射鵬應弦而墜率  
大帽服乃問于朝請與俱討賊制授華征蠻副元帥軍行悉以  
咨之華遂爲前驅導副元帥高興進兵連破其五寨追擒弔眼  
于千壁嶺斬首漳州市餘黨悉平桂龍率衆來降詔流之邊地  
入朝拜江浙左丞初浙西私鹽盛行吏莫能禁至則案行松江  
上海收鹽徒五千隸軍籍久之遷江西行樞密院副使卒于官  
大德二年追封林國公諡武宣子十四人皆仕孫二十四亦多  
貴顯者其文大同小異蓋一人誤分爲二者傳稱賜名拔都魯  
拔都之名重出蓋沿誤于此

忙兀台

一作忙古歹

蒙古達達見氏事世祖爲博州路總管至元八

年授鄧州蒙古萬戶治水軍于萬山南岸大軍攻樊城分軍爲

五道忙兀台當其一率五翼軍以進焚南岸舟暨雲梯于北岸  
登櫃于城奪西南角入城命步將據倉粟功在諸將右從伯顏  
阿朮南征命與萬戶史格率麾下會鹽山嶺遇宋兵忙兀台突  
陣先入諸軍繼進戰敗之自郢州黃家原盪舟入蔡湖至沙洋  
堡立礮座十有二焚其樓櫓拔羊角壩直抵新城將由漢口入  
江至蔡店聞宋兵屯漢口乃率舟師經鬬龍口至沙蕪以入次  
武磯堡宋將夏貴堅守不下阿朮率忙兀台等軍乘雪夜泝流  
西上黎明至青山磯北宋將程鵬飛拒戰中流被七創敗走尋  
招降之又諭斬黃安慶池州諸郡皆下師次丁家洲宋將孫虎  
臣來拒追擊之奪虎臣所乘巨舟已攻常州拔其木城擊叛將  
趙潛于豐登莊復招降湖州行省第其功命行兩浙大都督府  
事會宋二王逃入海詔與左丞唆都行省福州填撫沿海八郡



經世大典云宋將王用來降言是已死世傑等復立昺于福州其地無糧儲聞瓊州守臣欲給糧二萬石海道難水淺急難轉運止有杏磊浦可通舟忙兀台尋召赴闕進左丞初忙兀台北聞其言卽命諸將以兵守之

還唆都行省福建一日帝召唆都還命忙兀台暫往福州俟唆都至將移鎮潭州中書言唆都在福建麾下擾民致南劍等路往往殺長吏叛及忙兀台至招來七十二寨建寧漳汀稍獲安集有旨仍留鎮閩時宣慰使王剛中以土人饒於貲頗擅威福忙兀台慮有變奏移之他道久之遷江淮平章先是宋降將五虎陳義嘗助張弘範擒文天祥助完者都討陳弔眼又阿塔海征日本資以戰艦三千省臣或言義有反側意帝使忙兀台察之至是攜義入朝保其無他且乞寵以官爵乃授義同知廣東道宣慰司事有譖忙兀台於帝者逮至闕封其家貲遣使按驗無狀復拜行省左丞相移鎮江浙上言瀕海之民多鬻私鹽專

利今征日本可募爲水工役旣罷請以戰艦付海漕又言省治在杭州其兩淮江東財賦軍實旣南輸至杭更自杭北上徒勞頓非便揚州地控江海請移省治於此宿重兵鎮之且轉輸無往返勞復言淮東近地宜大興屯田歲入糧給軍所餘仍餉京師帝悉從之詔江淮管內並聽節制時行省已罷相銜以忙兀台所統地廣事繁獨授江淮行省右丞相屢以病求罷賜歸未幾復命出鎮江西到官四十日卒方在浙時專復自用屢易置戍卒屯田無成平章不憐吉台言其變亂成法帝每戒敕又嘗以私忿逼死行臺中丞劉宣事聞追卹之典闕焉

隋世昌其先登州樓霞人父寶徙居萊陽金末隸軍伍主帥奇其貌以爲管軍都總領太宗下山東寶來歸授萊州節度判官世昌其四子也身長八尺鍛渾鐵爲鎗重四十餘斤能左右擊

刺還充隊長宋兵犯海州戰却之進攻漣水軍先登身被數創  
衆從之克其城擢馬軍千戶中統初漣水復叛歸宋世昌軍于  
東馬寨屢擊敗宋兵遷淄萊萬戶府副都鎮撫守萬山堡轉管  
軍千戶會元帥劉整築鹿門使世昌董其役樊城出兵來爭且  
拒且築不終夜而就復令立礮簾于樊城欄馬牆外夜大雪城  
中矢石如雨軍校多死傷達旦而礮簾立宋列艦江上世昌乘  
風縱火燒其船百餘樊城出兵鏖戰欄馬牆下世昌流血滿甲  
勇氣愈倍樊城竟破引兵由黃泥堡入漢江破沙洋攻新城世  
昌坎其城堽上中數矢傷臂兇鏖皆裂昏眩墜地少蘇挺鎗復  
進遂下新城明日丞相伯顏視所坎城高一丈五尺第功爲最  
從戰丁家洲又從圍揚州世昌絕其糧道兼搜湖泊宋兵聞鐵  
鎗名不敢近揚州平充四城兵馬使從平章阿朮入見授管軍

總管戍揚州擊下野人原司空山等七寨進安撫使領澈浦授  
管軍萬戶世昌前後數百戰遍體皆金瘡竟以是疾卒加封定  
海郡侯諡忠勇

李庭小字淨山本金蒲察氏金末來中原改稱李氏家濟陰徙  
壽光世祖至元初以材武選隸軍籍權管軍千戶從伐宋宋將  
呂文煥來攻萬山堡萬戶張弘範方接戰庭單騎橫槍入陣刺  
殺二人槍折倒持柄擊一人墜馬庭亦被二創復奪後軍槍力  
戰敗之除益都新軍千戶與宋兵戰襄陽城下追奔逐北直抵  
城門流矢中左股繼攻樊城外郭破傷額及左右手奪其土城  
進攻襄陽東堡破傷右肩焚其樓破一字城大軍攻樊城庭運  
薪芻土牛填城濠立雲梯城上矢石如雨庭屢中破墜城下絕  
而復甦裹創再登如是者數四從伯顏發襄陽攻郢州與總管

劉國傑先登拔黃家灣堡盪舟入湖攻沙洋新城矢傷左脇破其外堡復中礮墜城下矢貫胸氣垂絕伯顏命剖水牛腹納其中良久乃甦累功授萬戶師次漢口宋夏貴領戰艦橫截江面軍不得前乃用庭計由沙蕪口入江武磯堡四面皆水庭決其水攻之大軍徑渡江武磯堡亦破從阿朮轉戰至鄂州順流東下與宋孫虎臣戰丁家洲奪船二十餘宋兵斷眞州江路庭焚其舟間貴欲由太湖援臨安亟出兵逆戰敗之裕溪口諸軍至臨安宋主降伯顏命庭等入護內城收集符印珍寶仍令庭與阿朮海護宋主至上都世祖嘉其勞賜金珠衣各一諭曰汝在江南已多出死力男兒立功要在西北今有違我太祖國憲者汝往征之卽加漢軍都元帥駐軍河西擊走叛臣霍虎追至大磧而還又襲禽叛王昔里吉脫脫木兒啟皇子只必帖木兒賜

之死復引兵會諸王納里忽渡埧迷兒河殲其餘黨河西悉平  
人朝賜益都居第單河官莊以父歿歸宗王乃顏叛驛召至上  
都統諸衛漢軍從帝親征其將塔不台金家奴來拒戰擁衆號  
十萬帝親麾諸軍合圍庭調阿速軍繼進流矢中胸貫脇裹創  
復戰帝遣止之方已庭策乃顏當夜遁乃引壯士持火器夜入  
其營破發敵驚潰自相蹂躪死者亡算帝問何以知之庭曰兵  
雖多無紀律見車駕駐此不戰必疑有大軍繼至是以知其將  
遁既而乃顏被擒帝南還庭又親縛塔不台金家奴以獻乃顏  
黨哈丹禿魯干復叛于遼東詔庭往討大小數十戰弗克庭整  
軍再戰流矢中左脅及右股追至一大河選銳卒潛負火礮夜  
泝上流礮發馬皆驚逸大軍潛於下流畢渡天明將戰其衆無  
馬遂敗哈丹禿魯干走死遣拜尙書左丞商議樞密院事成宗

嗣位睿遜光至每進食必分賜武宗以皇子出鎮北邊庭請從  
成宗憫其老不許俄有旨拘漢軍馬濟北軍且令焚其鞍轡行  
糧諸物庭因感疾疾稍間扈從至上都卒至大二年追封益國  
公諡武毅

淵曰暗鳴叱咤敵人辟易鏊裂胸穿銳進不息惟李惟膺  
萬夫之特數瀕死亡卒正床第有命自天何必縮澁

朱國寶其先徐州人後徙寶坻父存器歷官修內司使嘗夜行  
盧溝橋獲金一囊坐待其主至還之世祖攻鄂州國寶攝千戶  
率銳卒於中流遇宋師凡十七戰諸軍始畢濟從征襄陽督造  
戰艦築萬山堡及拔沙洋襲新城皆有功初師次江上國寶願  
當前鋒奪船二十艘以獻伯顏壯之宋據上流方舟數百結爲  
堡柵伯顏指示曰而復能奪取是乎國寶卽奮往破其柵旣渡

江下鄂漢進兵臨岳州與朱戰于桃花灘復其將高世傑已統  
蒙古諸軍鎮常德知安撫司事時湖南既降惟辰沅靖鎮遠未  
下宋將李信李發結武岡洞蠻分據扼塞國寶擊敗之其衆退  
保飛山之新城思播蠻來援國寶復戰破之獲信發等獻俘江  
陵會諸道兵攻拔廣西靜江授管軍萬戶鎮梧州初朱臨安之  
破也張世傑挾二王由閩蹈海衆復滋蔓時南恩新州何華張  
翼謀舉兵興復國寶擊殺之降其民三萬餘戶遷海北海南道  
宣慰使蠻賊連結鬱林廉州諸洞恣剽掠復討平之渠長任龍  
光等率所部五千戶降尋移瓊州立官程更獎政訓兵息民具  
有條制南寧謝有奎負固不服國寶開示信義有奎感悟以其  
屬來歸於是黎峒民降者三千戶苗軍降者三十所破臨高蠻  
寇招降居亥番毫銅鼓博吐桐油等十九洞遣兵畧大黎密塘



橫山焚其巢生致大鍾小鍾諸部長十八人進廣西西道叅政以軍事至贛州卒于傳舍

阿增海遜都思人祖增海拔都魯嘗從太祖同飲渾河水以功授千戶阿增海早歲襲職憲宗初從大帥兀良合台征雲南身先陷陣師還事世祖於潛邸至元九年命督諸軍攻襄陽拜中書右丞行樞密院事分兵解正陽之圍遂渡江與伯顏軍合克池州山建康抵鎮江時眞秦諸城尙爲宋守鎮江地扼襟喉城壁不固阿增海先立木柵爲保障計繼分兵屯瓜洲以絕揚州之援宋張世傑孫虎臣帥舟師陳焦山下勢張甚乃與阿朮登南岸督諸軍力戰以火矢焚其舟大破宋師宋殿帥張彥與平江安撫劉師勇襲呂城遣萬戶懷都擊走之克常州降平江嘉興會兵臨安宋降伯顏命阿增海等以其幼主母后入覲詔復

趨瓜洲與阿朮議平淮南事拜行省左丞相移治臨安從征乃  
顏師歸奉朝請居京師卒封順昌郡王諡武敏

張禧東安州人父仁義金末徙家益都太宗下山東仁義方走  
信安時燕薊已下獨信安猶爲金守蒙古兵圍信安仁義開門  
出戰圍解以功署軍馬總管守信安踰十年度不能支乃舉城  
附授管軍元帥後攻歸德飛矢入口折其二齒鏃山頂卒禧年  
十六從大將阿朮魯南攻徐州歸德復從元帥察罕攻壽春皆  
有功性峭直爲主將所忌誣以罪欲寘之法時王鶚侍世祖於  
潛邸禧密往依之鶚薦禧與其子弘綱俱入見從南征時方攻  
鄂州諸軍穴城以入朱樹柵爲夾城於內入戰輒不利命以厚  
賞募敢死士禧與弘綱應募由城東南入將至城下帝憫其父  
子俱入險地諭止一人進戰禧所執槍中弩矢折取弘綱槍以

進破城東南角有逗留不前者十餘人立城下引網復奪其槍  
入轉戰良久禱身中十八矢一鏃貫腹悶絕復甦世祖亟命取  
血竭飲之既愈復從大將納剌忽與宋兵戰于金口李家洲皆  
捷世祖卽位授新軍千戶從征李璫時宋乘璫叛遣夏貴襲取  
蘄縣宿州等城禱移兵攻之盡復諸城至元初擢唐鄧等州總  
管與宋將呂文煥戰于高頭赤山乘勝復均州敗水軍總管令  
習水戰從攻襄樊宋夏貴率兵援襄陽禱從元帥阿朮戰却之  
會江水暴溢宋遣范文虎以戰艦千餘艘來援禱率輕舟夜衝  
收入其陣揮葦以識水之深淺及還阿朮卽命禱率四翼水軍  
進戰宋兵潰追至淺水奪戰艦七十從攻樊城焚其串樓敗宋  
將張貴于鹿門山行省集諸將問破襄陽策禱言襄樊夾漢江  
而城敵人橫鐵鎖置木檣于水中若斷鎖毀檣以絕其援則樊

城必下樊下則襄陽可圖伯顏用其策襄樊相繼下命禧爲水軍先鋒敗宋孫虎臣于丁家洲尋移屯黃池以遏宋援兵有功加水軍萬戶時朝廷議征日本禧請行與右丞范文虎左丞李庭同率舟師泛海東至平壺島禧卽舍舟築壘約束戰艦各相去五十步止泊以避風濤觸擊俄颶風大作它戰艦悉壞禧所部得完文虎等議班師時島中屯兵數千乏舟禧曰我安忍棄置於此悉去舟中所載馬濟其還至京文虎等皆獲罪禧獨免于弘綱字憲臣年十八父爲主將所誣繫獄弘綱直入獄中併受繫佯狂謔笑守者易之旣寢遂與其父逸去後從父攻城徇地屢有功襲萬戶盜起安吉弘綱率兵往捕未踰旬擒之從參政高興破建德溪寨諸賊授河南諸翼征行萬戶從右丞劉深征八百媳婦師次八番與叛蠻宋隆濟等力戰而歿追封齊

郡公諡武宣

張弘範字仲疇易州定興人柔子也善馬槊間能爲詩歌年二十授行軍總管從討李璵于濟南柔戒之曰汝圍城勿避險地險則汝無怠心兵必致死主者慮其險苟有犯必赴救可因以立功弘範營城西璵每出軍侵突獨不向弘範營弘範曰我營險地璵故示弱於我必以奇兵來襲謂我勿悟也遂築長壘內伏甲而外爲濠開東門待之夜浚濠益深廣璵不知也明日果擁衆僑來攻未及岸軍陷濠中得跨濠上者突入壘門遇伏皆死柔聞之曰真吾子也璵旣誅弘範亦以例罷兵柄世祖念其有濟南功至元初授順天路管民總管俄移守大名歲大水漂沒廬舍弘範輒免民租朝廷罪其專擅弘範請入見進曰臣以爲朝廷儲小倉不若儲之大倉帝曰何說對曰今歲水潦不收

倘必責民輸倉庫雖實而民死亡殆盡明年租將安出曷若活其民使不至逃亡則歲有恒收非陛下大倉庫乎帝謂其知大體勿問典章云至元五年弘範於古宅得玉印二色古而形制異弘範不敢私納之官會史天澤督諸道兵圍襄陽授弘範益都淄萊等路行軍萬戶廷議以益都兵本墮舊卒勇悍難制故命領之戊鹿門堡以斷宋餉道且絕郢復之援弘範建言曰國家規取襄陽周於圍而緩於攻者無非重人命而待其自斃也曩者夏貴乘江漲送衣糧入城我師坐視無肯禦者且其境南接江陵歸峽商販行旅休卒道出襄陽南者相繼寧有自斃之時乎若城萬山以斷其西立柵灌子灘以絕其東則庶幾速斃之道也天澤用其言移弘範兵戍萬山既城與將佐較射出東門宋師奄至衆欲退弘範曰吾與諸君在此何事敵至將不戰乎卽環甲上馬遣偏將李庭當其前親

率二百騎爲長陣令曰聞吾鼓則進宋軍步騎相間突陣弘範  
軍不動再進再却弘範曰彼氣衰矣鼓之前後奮擊宋師奔潰  
攻樊城流矢中其肘東劉見主帥曰襄在江南樊在江北我陸  
攻樊則襄出舟師來救故猝難下若截江道斷其援兵水陸夾  
攻樊必破矣樊破則襄陽何所恃明日出銳卒先登拔之遂下  
襄陽丞相伯顏伐宋弘範率左部軍循漢江東畧郢西南取武  
磯堡轉戰而前諸軍繼進宋師潰長驅至建康時方暑帝遣使  
諭伯顏緩兵弘範曰聖恩待士卒誠厚然緩急之宜非可遙度  
今敵已奪氣正當乘破竹之勢取之豈宜延緩使敵得爲計乎  
相馳詣闕面論形勢得旨進師次瓜洲宋姜才統勁兵二萬出  
揚子橋夾水爲三疊陣弘範從元帥阿朮出先以十三騎徑渡  
衝之陣堅不動弘範佯北一騎躍馬揮刀直趣弘範弘範旋轉

迎刺應手斃馬下奮戈急擊才潰走宋張世傑孫虎臣等率水軍于焦山決戰弘範以一軍從旁橫擊至鬪山東奪戰船八十艘俘斬無算上其功改亳州萬戶從左丞董文炳由海道會伯顏次臨安近郊取宋主稱臣表來上師還授江東道宣慰使聞宋益王昀世傑等復立衛王于海上閩廣響應帝命弘範爲蒙古漢軍都元帥往征之陛辭賜錦衣玉帶弘範不受以劍甲爲請帝出武庫劍甲聽其自擇且曰劍汝之副也不用命者以此誅之將行薦李恒爲副至揚州選將校水陸分道而南以弟弘正爲先鋒戒曰選汝驍勇非私汝也軍法重我不敢以私撓公弘正所向克捷進攻三江寨寨據隘乘高兵皆持滿以待弘範令下馬治朝食若將持久者忽麾軍連攻他寨剋擣三江盡拔之至漳州軍其東門命別將以西南乃乘虛擣其北門拔鮑浦



秦嶺海郡邑皆望風降附弘正執宋丞相文天祥于五坡嶺使  
之拜不屈弘範義之待以賓禮送至京獲宋禮部侍郎鄧光薦  
命子珪師事焉由潮陽發船入海道至甲子門獲宋斥堠將知  
衛王所在進次厓山宋軍結大舶千餘碇海中中艫而外舳四  
周起樓櫓如城橫亘百餘里厓山東西對峙其北水淺舟膠非  
乘潮不可進弘範由山之東引舟轉南入大洋始得逼宋舟世經  
大興云宋以烏蛋船千隻襲大舟之北弘範夜操小艇帶勁兵  
潛取之船中並皆海民不習戰攻殺靡遺即取烏蛋載草灌油  
乘風縱火欲焚宋艦宋預以泥塗艦懸水筒無數火船至鈎而  
沃之竟莫能燬李恒謂弘範曰賊船正當海港宜急攻之恐彼  
乘潮遁去不能成計且出騎兵斷汲路燒其宮室世傑有甥在弘  
範軍中三使招之不應大典云弘範以世傑本其父柔之故卒  
招之世傑歷數古忠臣曰吾知降生且富貴但為主死不可移也李恒自廣州至授以戰艦二  
使守北面將戰或請先用礮弘範曰礮起則舟散吾分追非所  
續弘簡錄

利不如戰也乃四分其軍令恒等軍東南北三面弘範自將一  
軍居西南與宋軍相去里許令曰宋舟東艤厓山潮退必南遁  
急攻之勿令去聞吾樂作乃戰先麾北軍乘潮出戰不克恒等  
順潮退樂作宋將以爲且宴氣少懈弘範舟師犯其前豫構戰  
樓於舟尾以布幙障四匝之俾將士負盾而伏令曰聞金聲起  
戰飛矢集如蝟伏盾者不動舟將接鳴金撤幙弓弩火石交發  
頃刻并破七舟宋臣陸秀夫先沉妻子抱衛王曰官家事急矣  
遂赴水死從死者十萬餘人嶺海平弘範磨厓山之陽勒石紀  
功而歸大典云時浮屍蔽海有卒見一屍小而背衣黃衣負印  
下得入朝賜宴內殿慰勞甚厚未幾瘴癘疾作病甚沐浴易衣  
冠扶掖至中庭面闕再拜退坐命酒作樂與親故言別出所賜  
劍甲付子珪曰汝父以是立功汝勿忘語竟端坐而卒年

四十三延祐六年加封淮陽王謚獻武子珪見宰輔傳

名臣事畧云弘

範素敏悟身長七尺修髯如畫初伯顏至建康大會諸將出庫金行賞弘範後至伯顏曰祖宗之初凡以軍事會集罪加後雖貴近無所貸爾何敢後弘範徐進曰臨陣未嘗後受賞恥居先

同爲不可伯顏爲之俛首簿錄宋內府金帛都事夾谷之奇與

馬既面多所遺失將就考驗弘範曰之奇名士行義有素以官

爵家帑保其無私後誣果白嘗戒其子曰居官律已廉慎則公

明自生御衆賞罰信用則人致力不懷報怨

之心怨亦自釋此三言者皆素躬行者也

兄弘畧字仲傑

嘗從父鎮杞徙亳權順天萬戶

虞集廟堂碑云順天者故保州以柔故升府後改今名曰保定

從征四川憲宗以其幼賜錦衣還鎮李璫反宋夏貴乘虛北奪

亳滕徐宿邳滄濱七州新蔡符離斬利津四縣弘畧率戰船遏

之渦口貴退保斬更發亳軍攻之宋兵焚城宵遁盡復所陷州

縣璫誅追問當時與璫通書者獨弘畧書皆勸以忠義事得釋

俾解兵柄宿衛京師及城大都佐父柔爲築城總管城成授淮

東道宣慰使尋移江西饒州盜起犯都昌弘畧謂饒非吾屬然

與南康止隔一湖此寇不滅則吾境必有相扇起者乃使人直  
擣其巢生縛賊首磔于市令曰不操兵者皆爲平民一無所問  
頃之以疾歸毫有讒貴臣子在江南買田宅樂而忘歸者詞連  
弘畧或曰公未嘗在江南宜入見自辨弘畧曰辨之則言者獲  
譴矣吾寧稱疾家居後見上于龍虎臺請曰臣之子玠長矣願  
備宿衛世祖賜之酒且曰卿年未老何遽謝事命爲河南叅政  
卒追封蔡國公諡忠毅

李恒字德卿其先於彌氏唐末賜姓李世爲西夏國主其祖爲  
夏主之子守兀納刺城太祖經畧河西城陷不屈死子惟中方  
七歲求從父死宗王合撒兒留養之從經畧中原有功授淄川  
達魯花赤蓋恒父也恒生有異質王妃撫之猶己子中統三年  
命爲尙書斷事官恒以護其兄李璫反恒從惟中棄家入告變

璫怒繫恒闔門于獄璫誅得出世祖嘉其忠累授益都淄萊新  
軍萬戶從伐宋圍襄陽率本軍築堡萬山扼城西斷其陸路守  
將呂文煥等以漁舟浮漢水窺伺軍形恒設伏敗之水路亦絕  
進攻樊城恒以精兵渡漢自南而先登伯顏大會師至陽羅堡  
宋夏貴遣其子松來逆戰恒先陷陣額中流矢戰益力卒射殺  
松已從伯顏東下宋將高世傑復窺漢沔仍遣恒還鄂州從阿  
里海牙至洞庭與世傑戰擒之下岳州進拔沙市宋制置高達  
以江陵降留恒鎮之恒禁軍士毋得入城侵掠未幾徙駐常德  
以扼湖南之衝俄有詔分三道出師以恒爲左副都元帥從都  
元帥宋都斛史作遜出江西開府江州擒宋都統制熊飛遂圍  
隆興轉運使劉槃請降恒察其詐密爲備槃果以銳兵突至恒  
擊敗之槃始降由撫瑞建昌臨江進攻吉州知州周天驥降遂

定虔南廣東經畧徐直諒奉書納所部十四郡前江西制置黃  
萬石亦以邵武降宋丞相陳宜中及張世傑立益王昰于福州  
收集潰兵郡縣豪傑響應世傑遣都統張文虎與吳浚合兵十  
萬期復建昌恒敗之于南豐縣浚走從文天祥於瑞金又破之  
天祥走汀州遣鎮撫孔遵追之併克汀州旣而天祥復取汀州  
兵出興國連破城邑圍贛州或言天祥祖父墓在吉州若遣兵  
發之勢必下恒曰王師討不服耳豈有發人墳墓之理遂分兵  
援贛自率精銳至興國天祥走追至空坑獲其妻女擒招討使  
趙時賞降其衆二十萬

宋史云天祥妻歐陽氏男佛生環生及二女皆見執趙時賞坐肩輿後衆問爲

誰曰我姓文衆以爲天祥也有旨令恒與右丞阿剌罕董文炳

合兵追益王衆議所向皆謂宜趨福建恒曰不可若諸軍皆入

閩彼必東竄粵則梅嶺江西非我有矣宜從廣東夾擊衆以爲

然兵至梅嶺果與宋兵遇敗之乃走碭州

粵志云碭州屹立海中當南北道乃雷化

交錯處帝昺升為翔龍縣

益王殂世傑等復立衛王昺據廣東恒時為江西

參政以張弘範薦特加副都元帥進取英德清遠遂入廣州世

傑等移屯新會縣之厓山時弘範舟師未至恒按兵不動分遣

諸將畧定梅循諸州會弘範至自漳州發潮陽港直指厓山恒

率所部戰船急赴世傑集海艦千餘貫以巨索為柵以自固恒

先斷其汲路勢日蹙諭降不可會潮退水南瀉恒從北順流衝

擊令諸軍陣于船尾轉船逆行擣其柵索絕世傑猶死戰日午

潮至水北流弘範復督南軍合擊朱腹背受敵軍潰亂陸秀夫

抱衛王赴海死獲其符璽印章世傑走死海陵港

經世大典云世傑乘間開

南隄率十六艦專港門遁恒追至厓山口焚溺

之餘尚得海船八百餘艘宋承宣使翟國秀就降

中書左丞行省荆湖禁掠民為奴婢并賑給常德澧辰沅靖五

郡之饑者以久留瘴鄉感疾乞解軍職命其子散木解襲本軍  
萬戶後復從鎮南王脫歡征交趾結筏渡海奪天長府會盛夏  
軍中疾作衆議班師蠻兵追襲恒殿後且戰且行毒矢貫右膝  
一卒負而趨至思州毒發卒追封滕國公

養蒙集云  
諡武愍

冊曰宋鼎已淪蛟蜃與隣元帥慧掃颶立潮昏崖腥染鏐  
海沸漂丹趙氏塊肉藁葬其間瘴生毒發天道好還

李德輝字仲實通州潞縣人生五歲父疾革指德輝謂家人曰  
吾爲吏治獄不任苛刻蒙德者衆天或報之是兒其大吾門乎  
旣就外傳嗜學貧無以自資輒輟業年十六監酒豐州祿食足  
供母餘則市筆札錄書夜誦不休歎曰志士顧安此邪仕不足  
以匡君福民隱不足以悅親善身天地太矣人壽幾何惡可無  
聞同腐草木乃更求明師講習世祖在潛邸用劉秉忠薦使侍



皇子講讀世祖受京兆分地擢廷臣能理財賦者俾調軍食正  
從宜府以德輝爲副使時汪德臣屯重兵數萬於利州扼四川  
襟喉規進取每苦乏興德輝乃募民入粟綿竹散錢幣給鹽券  
爲直陸輓興元水漕嘉陵未期年而軍儲充美至元初由太原  
路總管入爲右三部尙書名臣事畧云人有訟財而失其兄子  
者德輝曰叔殺之也深竟其獄懸賞  
購之其家果上變皇子安西王鎮關中奏以德輝爲輔改安西  
告叔竟以是死

王相至則視瀕涇營牧故地可得數千頃起廬舍疏溝澮假牛  
種田具與貧民屯田其中歲得粟麥芻藁萬計奉命以王相撫  
蜀時宋亡惟川蜀久不下宋制置張珪守重慶安撫王立守合  
州于是分建東西二川行樞密院令合州瀾里吉思領東院攻  
合州丞相不花與德輝領西院攻重慶德輝至成都各遣使請  
方畧德輝曰宋已亡矣重慶以彈丸地不降何歸政以公輩利

剽掠民不得有其子女懼而不來耳嚮者中使奉璽書來赦公等不能推心置腹反示以詐使彼叛去堅其必死之心中使不喻詐計竟以不奉明詔復命非養寇而何况軍政不一行且敗矣未幾瀘州叛重慶圍亦潰詔以德輝行西院副使事復瀘州再圍重慶尋拔之紹慶南平夔施思播諸山壁水柵皆下而東川樞府猶故將也惡相屬願獨軍圍合州德輝乃出合俘繫願慶獄者縱使歸以書遺張珪曰天子威德遠播宋室旣亡三宮皆北苟能早自歸誠必取將相與夏呂比且汝之爲臣不親於宋之子孫合之爲州不大於宋之天下彼之子孫尙舉天下歸我汝猶惺然負阻窮山而曰吾終於所事不亦惑哉旣而合州遣李興張邵等偵事成都德輝獲之釋不殺復爲書縱歸使諭其將王立如諭珪者未幾立使興等懷蠟書還成都言李公能

自秦卽降德輝以從兵數百人馳赴東川先是重慶破珏走涪  
州自經死至是諸將皆曰公昔爲書招珏誠亦極矣而竟無功  
今立乃珏牙校也習狙詐不信是特以計致公延命晷刻耳德  
輝曰重慶已下合州孤立窮而來歸亦勢所必然吾豈肯攘諸  
君垂成之功誠懼諸君憤其抗命快心屠城吾欲爲國活此民  
耳卽單舸濟江薄城下呼立出降德輝命立權安撫事知合州  
川蜀盡平旣而東川行院恥無功言立久抗王師且嘗指斥憲  
宗奏請誅立械繫長安獄將殺之會行院都事呂政以事至上  
都白留守賀仁傑爲言於帝而安西王亦具立降附本末來上  
且言東川院臣憤德輝受降之故誣奏誅立帝召樞密臣責曰  
汝等視人命若戲邪今召王立來生則已死則汝等從之立至  
仍命爲合州安撫使遷戍四川行省郎中

政字伯充河內人會  
官至侍講學士

西南彝羅施鬼國既降復叛詔滇楚四川各出兵合計將壓境  
德輝適被命在播馳驛止三道兵勿進而遣使諭鬼國趣降其  
長阿察素熟德輝名曰是活合州李公邪卽身至播州泣告謂  
吾屬微公來死且不降今願以百萬人民託公事聞詔許其降  
改鬼國爲順元路或譖德輝受鬼國馬千數帝曰是人朕所久  
知雖一羊不妄受寧有是邪卒年六十三姚燧行狀云其年王  
相府罷十一月始至  
黃平是夜星如斗貫節垣外德輝歎曰吾死徵也吾嘗誦馬伏  
波老當益壯之言而奇曹武惠爲將不殺今得活羅鬼馬革裹  
屍歸葬聞計哭之如私親王立自合州衰絰率吏民拜哭護  
喪歸興元至今播州廟祀不絕

冊曰師以戡亂寧恣屠戮心苟好生民自誠服剽掠公行  
堅其窺伏侃侃數言煌煌照燭雖踰千年起人敬肅

續弘簡錄卷十九終